


101

827.3

13



經義考卷十

秀水 朱彝尊 編

男 昆田 校

易九

王氏朗易傳

佚

魏志王朗字景興東海郡人魏國初建以軍祭酒領魏郡
太守遷御史大夫改司空進封蘭陵侯諡曰成著易春秋
孝經周官傳咸傳於世正始五年十二月詔故司徒王朗
所作易傳令學者得以課試

魏畧朗本名巖後改爲朗

董氏遇周易註釋文序錄

作章句



七錄十卷

佚

魏畧遇高季直建安初舉郡孝廉稍遷黃門侍郎黃初中出為郡守明帝時入為侍中大司農遇善左氏傳更為作朱墨別異人有從學者遇不肯教而云必當先讀百遍言讀書百遍而義自見從學者云苦渴無日遇言當以三餘或問三餘之義遇言冬者歲之餘夜者日之餘陰雨者時之餘也由是諸生少從遇學無傳其朱墨者

魏志明帝時大司農弘農董遇歷注經傳頗傳於世

陸德明曰遇弘農華陰人

朱震曰天地之數五十有五董遇謂其六以象六畫之數減卦之六畫為四十九不知五十有五天地之極數大衍之數五十其一太極不動而四十九運而為八卦重而六十四若去六畫即說不通

按董氏易注君子體仁作體信與京氏荀氏同哀多益寡哀作桴與鄭氏荀氏同洗心退藏可密洗作先與京氏荀氏虞氏張氏同夫坤墮然示人簡矣墮作妥與陸氏姚氏同餘如拔茅如以其彙征彙作夤賁如皤如皤作槃君子得輿作德婦喪其第作筭為乾卦作幹卦與諸家別

劉氏邠易注

佚

管輅別傳故郡將劉邠字令先清和有思理好易而不能精與輅相見自說注易將訖輅言今明府欲勞不世之神

經緯大道誠富美之秋然輅以爲注易之急急於水火水火之難登時之驗易之清濁延於萬代不可不先定其神而後垂明思也自旦至今聽採聖論未有易之一分易安可注也邠因易繫辭諸篇之理以爲注不得其要輅尋聲下難事皆窮析曰夫乾坤者易之祖宗變化之根源今明府論清濁者有疑疑則無神恐非注易之符也邠言數與何平叔論易及老莊之道至於精神還流與化周旋清若金水鬱若山林非君侶也

管氏輅

周易通靈決

隋志五行家二卷

佚

周易通靈要決

隋志五行家一卷

佚

周易林

唐志五行家四卷

佚

隋書魏少府丞管輅撰

趙汝楳曰梁丘賀以占筮顯名漢宣時費直長於卦筮高相專說災異其後虞翻關子明之徒尤注意於占至管輅雖分筮八卦乃絕口不及易中辭義矣

胡一桂曰公明精於卦筮窮極幽微占言吉凶禍福無毫髮爽雜以射覆說相一皆神妙

郝敬曰管輅分著占象援引易理自謂得其源遂涉其流

然此實一人一家之學其於民義物則至德要道無與焉
聖人所謂隱怪弗爲者也

鍾氏會周易无互體論

七錄三卷

佚

周易盡神論

隋志一卷

佚

魏志鍾會字士季潁川長社人太傅繇小子也爲司徒初
會弱冠與山陽王弼並知名會嘗論易无互體
孫盛曰荀顛嘗難會易无互體見稱於世

王氏肅周易注

隋志十卷

佚

周易音

佚

魏志肅字子雍年十八從宋忠讀太玄而更爲之解黃初
中爲散騎黃門侍郎後以常侍領秘書監兼崇文館祭酒
出爲廣平太守徵還拜議郎頃之爲侍中遷太常後遷中
領軍加散騎常侍肅善賈馬之學而不好鄭氏采會同異
爲尚書詩論語三禮左傳解及撰定父朗所作易傳皆列
於學官

李延壽曰鄭玄易大行於河北王肅易亦間行焉

陸德明曰子邕東海蘭陵人魏衛將軍太常蘭陵景侯又

注尙書禮喪服論語孔子家語述毛詩注作聖證論以難
鄭玄 又曰爲易音者三人王肅李軌徐邈

王應麟曰王肅注易十卷今不傳釋文云自繫辭訖於雜
卦肅本皆有傳字漢儒林傳云孔子晚而好易讀之韋編
三絕而爲之傳肅本是也其注噬乾肺得金矢曰四體離
陰卦骨之象骨在乾肉脯之象金矢所以獲野禽故食之
反得金矢君子於味必思其毒於利必備其難見太平御
覽

胡一桂曰王肅撰定其父成侯朗所作易傳列於學官本
義所引有曰王肅本者是也 又曰王肅注周易十卷崇
文總目乃十一卷題王肅傳云後人纂陸德明釋文所取
者附益之非肅本書

按王氏易注易音皆不傳見於釋文所引者六爻
發揮作輝其惟聖人乎作愚人後結始作聖人即
鹿作麓雲上於天作雲在天上致寇至寇作戎繫
帶作繫帶承天寵也寵作龍比之匪人作匪人凶
天下隨時作之隨時之義作隨之時義君子以嚮
晦入宴息嚮作鄉君子以振民育德育作毓有子
考无咎以考絕句盟而不薦作觀薦王用出征以
正邦也下更有獲匪其醜大有功也八字有戾愆
也愆作斃羸其角羸作縲不詳也許作祥失得勿
論作得失勿恤夷於左股作般其人夫且劓作斃
中行告公用圭作用桓圭后以施命誥四方誥作
誥繫于金柅作扼來徐徐作余余劓削作斃斃女

歸吉也作女歸吉利貞君子以居賢德善俗作善
風俗天際翔也翔作祥乾知夫始夫作泰而成位
乎其中矣而下有易字範圍天地之化作犯違開
物成務開作闔洛出書作維何以守位 曰人作
仁妙萬物而為言妙作眇為臭作為香臭蠱則飭
也飭作節自繫辭上訖於雜卦皆有傳字與諸家
多不同

王氏解周易注

隋志六卷七志十卷

存

魏志弼好論儒道辭才逸辨注易及老子為尚書郎年一
十餘卒

何劭曰弼注易往往有高麗言太原王濟好談易老非常
云見弼易注所悟者多然弼為人淺而不識物情

孫盛曰易之為書窮神知化非天下之至精其孰能與於
此世之注解殆皆妄也况弼以附會之辨而欲籠統玄旨
者乎故其序浮義則麗辭溢目造陰陽則妙蹟無聞至於
六爻變化群象所效日時歲月五氣相推弼皆擯落多所
不關雖有可觀者焉恐將泥夫大道

王儉曰易體微遠實貫群籍施孟異聞周韓殊旨豈可專
據小王便為該脩

李延壽曰河南即青齊之間儒生多講王輔嗣所注師訓
益寡

孔穎達曰傳易者西都則有丁孟京田東都則有荀劉馬

鄭大體更相祖述非有絕倫惟魏世王輔嗣之注獨冠古今所以江左名儒並傳其學河北學者罕能及之

陸德明曰弼字輔嗣山陽高平人魏尚書郎年二十四卒注易上下經六卷作易畧例一卷

石介曰王弼多取康成舊解爲之訓說今之易蓋出於費說也

李石曰王弼注易刻木偶爲鄭玄像見其所誤輒呼叱之冊府元龜顧悅之難王弼易義四十餘條京口閔康之由

王難顧遠有情理

宋祁曰王弼著易直發胸臆不知鄭康成等師承有自

陳臯曰易本上下二篇王弼注釋之時以孔子十翼文相

錯因離爲六篇謂之乾傳泰傳夫既稱經又何以名傳案

鄭康成本並無乾傳泰傳字蓋輔嗣加之也

代淵曰象與大小象諸卦本同乾卦例皆於六爻後相繼

而列之聚爲一處至鄭康成王弼注時謂象與大象本論

卦體故列六爻前小象以釋爻故各退在逐爻後使人易

曉惟留乾之一卦不移

金君卿曰弼出於馬鄭馬鄭出於費氏

程伯子曰王弼注易玄不見道但却以老莊之意解說而

已

司馬光曰輔嗣好以老莊解易恐非易之本旨其以雷動

風行運變萬化爲非天之心然則爲此者果誰邪

張子曰以老氏以有無論易自王弼始

晁說之曰易雜老莊而專明人事則自王弼始弼好老魏

晉談玄皆弼輩倡之使當暴秦之時則易豈能以卜筮免乎

郭雍曰漢興諸儒僅能訓詁舉大義或復歸於陰陽家流大失聖人言易之旨正始中王輔嗣一切革去易以高尚之言然輔嗣祖述虛無其辭雖美而無用於天下國家於是易爲空言矣又非三聖人所謂易之道也

邵博曰孔穎達謂王輔嗣之意象本釋經宜相附近分爻之象各附當卦蓋古易既亂於費氏又亂於王氏也

李綱曰弼有得意在忘象得象在忘言之論深斥象數之學謂互體不足遂及卦變變又不足推至五行義無所取而近世學者遂廢象而不談失聖人之意多矣

朱震曰弼去舊說雜以老莊之言於是儒者專尚文辭不復推原大傳天人之道自是分裂不合

王炎曰焦延壽京房孟喜之徒遁入於小數曲學無足深誦而鄭玄虞翻之流穿鑿附會象既支離理滋晦蝕王弼承其後遽棄象不論後人樂其說之簡且便也故漢儒之學盡廢而弼之注釋獨存於今

樊仁傑曰王弼易用康成本謂孔子贊易之辭本以釋經宜相附近乃各附當爻每爻加象曰以別之謂之小象又移文言附於乾坤二卦加文言曰三字於首而以繫辭上下傳字施之說卦前後二篇分上經乾傳第一泰傳第二噬嗑傳第三下經咸傳第四夬傳第五豐傳第六而無卷字

朱子曰王弼周易巧而不明 又曰古易象象文言各在

一處至弼始合爲一後世諸儒遂不敢與移動
陳振孫曰自漢以來言易者多溺於占象之學至弼始一
切掃去暢以義理於是天下宗之餘家盡廢然弼好老氏
魏晉談玄自弼輩倡之易有聖人之道四焉去三存一於
道闕矣况其所謂辭者又雜異端之說乎范甯謂其罪深
於桀紂誠有以也

章如愚曰三易同祖伏羲而文王之易獨以理傳五家同
傳周易而費氏之學獨以理傳馬王諸儒同釋易之學而
王弼之注獨以理傳然則明易之要在理而已矣

趙汝楨曰西漢之末向長范升諸人好談老易東都則折
象魏則何晏王弼裴徽皆以玄說易後至杜弼王希旦王
績武攸紹輩皆好之開元初詔張說舉通易老莊者則易
儕於老莊矣

稅汝權曰易經義文周孔之手可謂最古而篇第不明蓋
漢魏以來諸儒之臯而王韓尤其著者魏志謂鄭康成始
合彖象於經厥初猶如今乾卦附之於後至王弼則自坤
以下各爻聯綴之標題乃以上經乾傳至下經豐傳爲六
卷已不知於義何居及康伯又以上下繫爲七八卷說序
雜爲第九卷畧例爲第十卷使義文周公上下二篇之經
不成二篇而孔子十翼不成十翼漢魏迄今幾千餘年列
於學官專置博士無一人能辨其非者惑世誣民抑何甚
哉

劉克莊曰京房費直諸人皆舍章句而談陰陽災異往往
揆之前聖而不合推之當世而少驗至王輔嗣出始研尋

經旨一掃漢學然其弊流而爲玄虛矣

王應麟曰程子謂學易先看王弼蓋輔嗣之注學者不可忽也其以寂然至无爲復又云冬至陰之復夏至陽之復蘓子美辨其非愚謂先儒云至靜之中有動之端所以見天地之心與寂然至無之說異矣

黃震曰易聖人之書也所以明斯道之變易無往不在也王弼間以老莊虛無之說參之誤矣

丁易東曰漢去古未遠諸儒皆以象變言易矣言象變而遺理不可也王輔嗣一掃而去之以其遺理而去之可也并象變而去之則後之學者不知三聖命辭之本心矣

俞琰曰易初九潛龍勿用此爻辭也文王之所作也潛龍勿用陽在下也此爻傳也孔子之所述也古易爻傳自爲

一篇不以附經自費氏以此解經而鄭康成傳費氏之學始移附各卦經文之後猶未若王弼以之分附於諸爻之下也弼更以象爻置於爻辭之前又於象辭之首并爻傳之首皆冠以象曰二字於是後人以象辭爲大象爻辭爲小象象安有所謂大小哉 又曰文王之辭謂之經孔子之辭謂之傳傳者所以釋經之辭也經有象傳即文王所繫於卦下之辭孔子釋文王卦下之辭而傳述其意故謂之象傳古者經與傳各爲一書自費直以傳解注而後鄭康成以象傳連經文然猶若今乾卦次序至王弼乃自坤卦而始每卦以象傳移綴於象辭之後又加以象曰二字冠之後之人遂不謂之象傳而直謂之象夫以孔子之象傳爲象則文王之象辭當復謂之何哉學者惟弼是從竟

莫敢移動呂汲公王原叔晁以道李巽巖呂東萊朱紫陽皆以分經合傳非古吳仁傑稅汝權編周易古經亦皆極論弼之失讀易者要當審其是不可紐以舊說而以彖傳爲彖也

吳源曰五經惟易最古至費氏而古易遂變爲今至鄭康成王弼而今易不可復古噫使天下後世不知聖人作易繫易之蘊皆漢晉諸儒之過也

王禕曰弼注高談理致以莊老之意爲解

何喬新曰王弼之傳祖尙清虛

楊時喬曰魏晉間王弼說行依易談玄虛名雖爲易聖人卜筮尙占理象數皆失之矣

郝敬曰魏漢以還學者迷習訓詁獨王輔嗣超然窺十翼之藩而說者謂其於象太踈又曰易者象而已矣而弼曰得意在忘象弼懲漢魏諸家之附會矯枉過直毀繩墨而尙清言習氣使然不可以爲訓也

黃宗羲曰王輔嗣注易得意忘象得象忘言日時歲月五氣相推悉皆擯落顧論者謂其以老莊解易試讀其注簡當而無浮氣何曾籠絡玄言故能遠歷於唐發爲正義其廓清之功不可泯也

黃宗炎曰易以卜筮獨不罹秦火其民間自相授受亦止言卜筮而不敢及乎理義故漢儒易學大抵多論灾祥禍福以象數爲重蓋其由來使然也然其章句之沿習與訓詁之垂傳者固未嘗廢也乃宋人竟詆之謂秦火焚書而書存漢儒窮經而經絕豈其然哉輔嗣生當漢後見象占

之牽強拘泥有乖於聖教始一切掃除賜以義理天下之耳目煥然一新聖道爲之復觀唐太宗詔長孫無忌與諸儒刊定義疏十餘家凡辭尚虛誕者皆所不取惟王注獨冠古今亦其學其辭有足以折服群賢豈徒以當時習尚而漫爲回護之者哉乃宋儒竟詆之謂崇尚虛無襍述異端曲說晉魏談玄自王倡始至神州陸沉中原魚爛皆輔嗣所肇甚或擬其罪爲桀紂噫亦太過矣夫談象數則斥之如彼詮辭理則咎之如此爲宋以前之儒者不亦難乎陳廷敬曰費直以彖象釋經附於卦後今乾卦大哉乾元至用九天德不可爲首是其例也雖其初加一傳字以別於經然十二篇之經直已亂之矣至鄭康成注易合彖象於經而所謂彖象不連經文者猶在至王弼注易用康成本又增入乾坤文言雖加彖曰象曰文言曰以別於經然直之所既亂者弼又從而亂之若說卦等篇仍其舊總曰繫辭自是宋儒知有弼易而不知有古經矣

周易畧例

隋志一卷

新舊唐書合周易注作七卷

存

邢璣曰略例者舉釋綱目之名統明文理之稱略不具也例舉並也輔嗣以先儒注二十餘家雖小有異同而迭相襍述推比所見特殊故作略例以辨諸家之惑錯綜文理略錄之也

項德茶曰王輔嗣周易略例明象辨位二篇淵乎遠也邢氏稱其總一部之指歸明六爻之得失可以經天緯地探

測鬼神推辟咎悔自博士宗宋而此書塵土矣
沈珩曰輔嗣明卦明爻諸篇舉義明徹不特掃象占之溺
亦出漢經師訓詁之上

周易窮微論

通志一卷

佚

國史志王弼論易一卷大類略例而不及

易辨

中興書目一卷

佚

陳振孫曰世稱王輔嗣凡爲論五篇館閣書目王弼易辨
一卷論彖論象亦類略例意即此書又言此書已亡至晉
得之王羲之承詔錄藏於秘府世莫得見未知何據

何氏晏周易私記

二十卷

佚

周易講說

十三卷

佚

冊府元龜何晏撰周易私記二十卷周易講說十三卷

孫氏安周易例

佚

魏志樂安孫叔然授學鄭玄之門人稱東州大儒徵爲秘
書監不就作周易春秋例毛詩禮記春秋三傳國語爾雅

諸注

裴松之曰叔然與晉武帝同名故志稱其字

荀氏煇周易注

七錄十卷

佚

荀氏家傳煇字景文

又云字長備

太子中庶子與賈克共定音

律又作易集解

魏志煇官至虎賁中郎將

阮氏籍通易論

宋志一卷

存

魏志籍才藻豔逸而侗黨放蕩行已寡欲以莊周為模則

官至步兵校尉

胡一桂曰阮嗣宗易通論一卷凡五篇

嵇氏康周易言不盡意論

一篇

佚

晉書嵇康字叔夜譙國鉅人拜中散大夫

虞氏翻周易注

隋志九卷釋文序錄十卷

闕

吳志虞翻字仲翔會稽餘姚人嘗與少府孔融書并示以所著易注融答書曰易自商瞿以來舛錯多矣去聖彌遠眾說騁辭曩聞延陵之禮樂近覩吾子之治易乃知東南

之美非徒會稽之竹箭也孫權以爲騎都尉數犯顏諫爭
權不能悅又性不協俗多見謗毀坐徙丹陽涇縣權積怒
非一遂徙翻交州雖處罪放而講學不倦門徒常數百人
又爲論語國語訓注皆傳於世

別傳曰翻初立易注奏上曰臣高祖父故零陵太守光少
治孟氏易曾祖父故平輿令成續述其業至臣祖父鳳爲
之最密臣先考故日南太守欽受本於鳳最有舊書世傳
其業至臣五世臣生遇世亂長於軍旅習經於枹鼓之間
講論於戎馬之上蒙先師之說依經立注又臣郡吏陳桃
夢臣與道士相遇放髮披鹿裘布易六爻撓其三以飲臣
臣乞盡吞之道士言易道在天三爻足矣豈臣受命應當
知經所覽諸家解不離流俗義有不當實輒悉改定以就

其正

宋咸曰先儒如虞翻崔憬輩之用互體京房郎顛輩之用
五行皆去聖人遠矣

張根曰三代之書或曰連山或曰歸藏或曰周易而易之
名莫之或改豈非變通之義不可易與此八卦所以爲易
之本而三代同之也虞翻好易遇飲三之夢而不得其說
猥曰易道在天三爻足矣豈真知易者哉

朱震曰虞氏論象太密則失之於牽合牽合之弊或至於
無說

王應麟曰虞翻注說卦云乾坤五貴三賤故定位艮兌同
氣相求故通氣震巽同聲相應故相薄坎戊離已月三十
日一會於壬故不相符坤消從午至亥故順乾息從子至

已故逆蓋用納甲卦氣之說

易律歷

隋志五行家一卷

佚

陳振孫曰虞翻注京氏叅同契律歷志一卷專言占象而不可盡通字亦多誤未有別本校

王弘撰曰納甲之說京氏易傳魏氏叅同契皆有之而虞氏之說較脩

周易集林

隋志五行家一卷

佚

周易日月變例

七錄六卷

佚

隋志注周易日月變例六卷虞翻陸續撰

按虞氏世治孟氏易然釋文所引其文或不盡依孟氏若陰凝于陽為其噦于无陽也則同荀氏本纍其角得失勿恤冶容作野則同鄭氏本萃亨无亨字則同馬氏鄭氏本易以工則同京氏本先心則依京氏荀氏本餘若匪其彭作疋明辨皙也作析朋盍簪作戩成其輔作輔膝口說也膝作媵已事逆往已作紀剛揜也作弇坤作成物作坤化繫辭焉而明吉凶下有悔吝二字剛柔者晝夜之象作晝夜者剛柔之象也易之序也作象所樂而玩

者作所變樂天知命作變天慢藏誨盜洽容誨淫
作悔天地之文作文為龍作駝為科上槁科作折
謙輕而豫怠也怠作怡此與諸家不同易注凡九
卷雖不傳而李氏集解撫采獨詳錄之尚可得二
三卷其大畧尚存也

陸氏續周易注 釋文序錄注作述

隋志十五卷 釋文序錄新舊唐書志十三卷會通一卷

佚 鹽邑志林載有一卷

注京氏易

三卷

存

吳志陸績字公紀吳郡吳人為鬱林太守加偏將軍雖有
軍事著述不廢作渾天圖注易釋玄皆傳於世

朱震曰陸績之學始論動爻

按陸氏易注已亡今鹽邑誌林載有一卷乃係抄
撮陸氏釋文李氏集解二書為之所存者幾希矣
其經文異諸家者履帝位而不疚作疾明辨皙也
皙作逝納約自牖作誘喪羊于易作場婦子嘻嘻
作喜喜君子以懲忿窒欲作療欲吾與爾靡之作
緜之三年克之憊也作備也曹侍郎秋嶽曾見藏
書家有存三卷者惜侍郎沒無從訪求矣

程氏 秉 周易摘

佚

吳志程秉字德樞汝南南頓人逮事鄭玄後避亂交州與

劉熙考論大義遂博通五經權聞其名徵拜太子太傅著周易摘尚書駁論語弼凡三萬餘言

姚氏信周易注

隋志十卷七錄十卷

佚

阮孝緒曰姚信字元直吳興人吳太常卿

陸德明曰信字德祐

按阮氏七錄有姚信集二卷又嘗著士緯十卷吳志陸績傳注有表請賜績女鬱生以義姑之號又陸遜傳姚信以親附太子枉見流徙又孫和傳寶鼎二年十二月遣守丞相孟仁太常姚信等脩官僚中軍步騎二千人以靈輿法駕東迎神于明陵

又晉書范平傳平研覽墳索遍該百氏姚信賀部

之徒皆從受業又南史姚察傳讓選部書曰臣九

世祖信名高往代云今易注已亡見於釋文者

盱豫作盱云日始出引詩盱日始旦夷于左股作

右盤君子以順德作得折其右肱作股闕其无人作

闕日月運行作違行言語以為階作機貞勝者也

作貞稱為弓輪作倫為羸作蠡

尚氏廣周易雜占

隋志五行家九卷唐志八卷

佚

翟氏玄易義九家易作翟子元

佚

陸德明曰子元不詳何人爲易義

按翟氏易義先張之弧後說之弧弧亦作壺惕號作錫號云賜也來徐徐作余茶云內不定之意正位凝命作擬命云度也

張氏易義

佚

按張氏易見九家易注不詳其名陸氏釋文載有張倫本直方大上有易曰二字舍車而徒車作輿寘于叢棘寘作置振恒作震恒羸其角羸作藁婦子嘻嘻作嬉嬉往蹇來譽宜待也待作時範圍天地作犯違云猶裁成也未審即其人否考之序錄又未列其姓氏不敢臆定也

朱氏易義

佚

陸德明曰荀爽等九家集注注內又有張氏朱氏並不詳何人

按李鼎祚集解引諸家易中有朱仰之疑即其人也

楊氏周易集二王注

隋志五卷

佚

周易馬鄭二王四家集解

隋志十卷

佚

經義考卷十終

弟子江都高天驥覆按

經義考卷十一

秀水 朱彝尊 編

男 昆田 按

易十

裴氏 秀 易論

佚

文章叙錄秀字季彥年二十五為黃門侍郎累遷散騎常侍尚書僕射令光祿大夫咸熙中封廣川侯晉室受禪進左光祿大夫改封鉅鹿公遷司空著易及樂論又畫地圖十八篇傳行於世

衛氏 璿 易義

佚

晉書衛瓘字伯玉河東安邑人太康初司空侍中尚書令
惠帝即位加太保錄尚書事

王氏宏 易義

佚

晉書王宏字正中高平人粲從孫泰始初為汲郡太守遷
衛尉河南尹大司農太康中為司隸校尉後為尚書

陸德明曰宏弼之兄晉大司農贈太常為易義

鄒氏湛 周易統畧

隋志五卷 新舊唐志統畧論三卷

佚

晉書鄒湛字潤甫南陽新野人仕魏歷通事郎太學博士
太康中為散騎常侍國子祭酒轉少府

劉氏兆 周易訓注

佚

晉書劉兆字延世濟南東平人武帝時五辟公府三徵博
士皆不就撰周易訓注以正動二體互通其文

向氏秀 周易義

佚

晉書向秀字子期河內懷人為散騎侍郎轉黃門侍郎散
騎常侍

按向氏易文王以之依鄭氏荀氏本作似

阮氏咸 周易難答論

唐志二卷

佚

晉書咸字仲容歷仕散騎侍郎出補始平太守

唐書阮長成阮仲容難答

應氏貞明易論

唐志一卷

佚

晉書應貞字吉甫汝南南頓人魏侍中璩之子武帝初置太子中庶子官以貞為之後遷散騎常侍

王氏

濟周易義

佚

晉書王濟字武子善易尚長山公主起家拜中書郎累遷侍中出為河南尹尋使白衣領太僕

皇甫氏謚易解

佚

晉書皇甫謚字士安安定朝郡人有高尚之志以著述為務號玄晏先生

胡一桂曰見正義

阮氏

渾

周易論

釋文序錄
論作義

隋志二卷

佚

陸德明曰阮渾字長成籍之子晉太子中庶子馮翊太守為易義

袁氏

準

周易傳

佚

袁氏世紀準字孝尼著書十餘萬言為周易周官傳及論

五經滯義聖人之微言以傳於世

荀綽曰準有雋才泰始中為給事中

庾氏運易義

佚

陸德明曰庾運字玄度新野人官至尚書為易義

郭氏琦注京氏易

一百卷

佚

冊府元龜郭琦字公偉為著作佐郎注穀梁春秋京氏易

百卷鄉人王游等皆就琦學

徐氏苗周易筮占

七錄五行家二十四卷

佚

晉書徐苗字叔胄高密淳于人與弟賈就博士濟南宋鈞

受業遂為儒宗作五經同異評郡察孝廉州辟從事治中

別駕舉異行公府五辟博士再徵並不就

欒氏肇周易象論

隋志三卷唐志一卷

佚

陸德明曰肇字太初泰山人晉太保掾尚書郎為易論

李氏克周易音

六篇

佚

晉書李克字弘度江夏人辟丞相王導掾轉記室參軍累

經義考

卷十一

遷中書侍郎注尚書及周易音六篇行於世

王氏虞 周易注

隋志三卷 殘闕七錄十卷釋文序錄十二卷

佚

晉書王虞字世將丞相導從弟為荊州刺史徵為輔國將軍加散騎常侍進左衛將軍

按王氏易注明辨皙也皙作晰利用侵伐作寢伐
縑有衣衲縑作襦見釋文又其注云駮馬能食虎
豹取其至健也正義引之又良為徑注云物始改
為徑路又震為大塗注云大塗萬物所生太平御
覽引之

楊氏 周易卦序論

隋志一卷 新舊唐志同

佚

陸德明曰又字元舒汝南人晉司徒左長史

王應麟曰御覽嘗引之

按徐堅初學記引又易卦序論云險而止山也險
而動泉也動靜皆蒙險故曰山

郭氏 周易洞林

隋志五行家三卷 宋志一卷

佚

周易新林

隋志五行家九卷 又四卷

佚

周易林

七錄五行家六卷

佚

易立成林

隋志五行家二卷

佚

周易玄義經

宋志一卷

佚

易斗圖

隋志五行家一卷

佚

易八卦命錄斗內圖

隋志五行家一卷

佚

晉書郭璞字景純河東聞喜人博學有高才而訥於言論好古文奇字妙於陰陽算歷有郭公者客居河東精於卜筮璞從之受業公以青囊中書九卷與之由是遂洞五行天文卜筮之術爲著作佐郎遷尚書郎嬰王敦之禍璞撰前後筮驗六十餘事名爲洞林又抄京費諸家要撮更撰新林十篇卜韻一篇注釋爾雅別爲音義圖譜又注三蒼方言穆天子傳山海經及楚辭子虛上林賦數十萬言皆傳於世

王廙曰璞之父筮雖京房管輅不過也

胡一桂曰景純得青囊書遂洞五行天文卜筮之術嘗撰前後筮驗六十餘事名爲洞林斷法用青龍朱雀勾陳騰蛇白虎玄武六神及太歲諸煞神時日旺相等推算靈驗無比又抄京費諸家撮要更撰新林十篇卜韻一篇大抵只用卦爻不假文字然雜以說相葬法行符壓勝之術往往流於技藝而易道日以支離卑下矣

按郭氏洞林初學記嘗引之雙湖胡氏撰啓蒙翼傳云世罕有其書從王楚翁才古抄得之則元時此書尙存也洞林之文有三言者如簪非簪釵非釵有四言者如同人之革曰朱雀西飛白虎東起姦猾銜壁敵人束手占行得此是謂无咎隨之升曰虎在山右馬過其左駁爲功曹猾爲王者垂耳

而潛不敢來下爻升虛邑遂釋魏野豫之小過曰五月晦日群魚來入州城寺舍既濟曰小狐汔濟垂尾累衰初雖偷安終靡所依案卦言之秋吉春悲又有七言者如否曰乾坤閉塞道消長虎刑挾鬼法凶亂亂則何時時建寅僵尸交林血流漂此占行者入塗炭小過之坤曰小過之坤卦不奇雖有卦氣變陽離初見勾陳被牽羈暫過則可羈不宜將見劫追事幾危賴有龍德終无疵逐之姤曰卦象出墓氣家囚變身見絕鬼潛遊爻墓克刑鬼煞俱卜病得此歸蒿丘誰能救之坤上牛若依子色吉之尤賁之豫曰時陰在初卦失度殺陰爲刑鬼入墓建未之月難得度消息卦爻爲扶助馮馬

之師乃寡嫗自然奇救宜餐鬼子若恤之得守故
豫之解曰有釜之象无火形變見夜光連月精潛
龍在中不游行案卦卜之藻盤鳴金爻所憑无咎
慶驗其占法靡不奇中所謂林者自為韻語占决
之辭猶存左氏傳遺意

葛氏洪周易雜占

七錄五行家十卷

佚

晉書葛洪字稚川丹陽句容人元帝為丞相辟為掾以平
賊功賜爵關内侯咸和初轉司徒掾遷諮議參軍于寶薦
洪才堪國史選為散騎常侍領大著作洪辭不就聞交趾
出丹砂求為勾漏令止羅浮山煉丹積年著述不輟

孫氏盛易象妙于見形論

一篇

佚

晉書劉惔傳時孫盛作易象妙于見形論簡文帝使殷浩
難之不能屈惔與抗答辭甚簡至盛理遂屈

本傳孫盛字安國太原中都人桓温留為參軍從入關平
洛以功封吳昌縣侯出補長沙太守累遷秘書監加給事
中時殷浩擅名一時與抗論者惟盛而已盛著易象妙于
見形論浩等竟無以難之

袁氏宏周易畧譜

舊唐書志一卷新唐書同

佚

晉書袁宏字彥伯謝尚為安西將軍引宏參軍事尋遷大司馬桓溫府記室自吏部郎出為東陽郡

宣氏舒通易象論陸氏經典序錄作通知來藏往論

唐志一卷

佚

陸德明曰舒字幼驥陳郡人晉宐城令為通知來藏往論

張氏輝易義

佚

陸德明曰輝字義克梁國人晉待中平陵亭侯為易義

杜氏育易義

佚

陸德明曰育字方叔襄城人晉國子祭酒為易義

楊氏贇易義

佚

陸德明曰贇不知何許人晉司徒右長史為易義

邢氏融易義

佚

裴氏藻易義

佚

許氏適易義

佚

楊氏藻易義

佚

陸德明曰邢融裴藻許適楊藻四人不詳何人並為易義

張氏執易義

佚

崔鴻曰執字士彥安定烏氏人漢常山王耳十七世孫涼州刺史諡武穆

按涼武公易得其資斧資作齊云齊斧黃鉞斧也

張氏璠周易集解

七志十卷隋志八卷殘缺新舊唐書志仍云十卷

佚

畧論

一卷

佚

陸德明曰璠安定人東晉秘書郎參著作集解十二卷集

鍾會向秀庾運應貞荀暉張輝王宏阮咸阮渾楊乂王濟

衛瓘樂肇鄒湛杜育楊瓚張軌宣舒邢融裴藻許適楊藻

二十二家序云依向秀本七錄云集二十八家

按璠嘗撰後漢紀三十卷所為易注有二云險而止

山也險而動泉也太平御覽引之

于氏寶周易注

隋志十卷

佚今止存一卷鹽邑志林載之

周易宗塗

七錄四卷

佚

周易爻義

隋志一卷

佚

周易問難

二卷

佚

周易玄品

二卷

佚

晉書千寶字令升新蔡人為著作郎平杜弢有功賜爵關內侯領國史補山陰令遷始安太守王導請為司徒右長史遷散騎常侍為春秋左氏義外傳注周易周官凡數十篇

冊府元龜千寶為散騎常侍領著作撰周易問難二卷周易玄品二卷周易爻義一卷

中興書月寶之易學以卦爻配月或配日時傳諸人事以前世已然之迹證之訓義頗有據

胡一桂曰千寶周易傳十卷復別出爻義一卷宣和四年蔡攸上其書曰其學以卦爻配月或以配日時傳諸人事而以前世已然之迹證之訓義頗有所據若大有九三本左傳訓晏享乃與古合房審權亦採錄之

屠曾序曰吾師草廬先生謂易為五經冠而吳晉英舊以易解聞吾鹽得兩君子為陸鬱林公紀千常侍令升第千氏易有註者僅三十卦卦惟乾備六爻餘止一象一爻而已要皆自古易類萃中摘抄然亦義文象數幸行一脈於

蛟潭海滋間不可謂東南易髓不自令升標揭之也况駿
心雄理遺詞英上不遜輔嗣錄之不啻起晉儒而清言也
乎

項臯謨跋曰嘗覽群經于子十卷于令升寶周易注十卷
周易宗塗四卷爻義一卷問難二卷玄品二卷有其名亡
其書及從里中太史氏後借讀文淵閣書目易類一百十
種晉以上惟存京君明傳鄭康成注王輔嗣畧例并注而
子夏傳唐張素履偽作不覩有十氏易略見李鼎祚易傳
集解中海鹽樊侯博綜墳典專精誤述錄示于常侍易解
似於載籍節比句櫛者絕無僅有希世奇書也令升新蔡
人徙吳郡海鹽仕吳爲著作郎賜爵關內侯入晉領國史
爲散騎常侍補山陰令遷始安太守所著晉紀總論搜神
記具在志林必悉之凌稚哲萬姓統譜于于二姓俱收令
升于氏宗于雙于氏宗于定國于裔有居海鹽有居嘉善
以搏埴爲業于窑鎮由是得名是于非于無疑

按隋志周易玄品二卷不注撰人姓名當即于氏
之書又有王氏周易問難二卷疑譌于爲王也其
文水洊至洊作薦并收勿幕勿作罔豐其沛作韋
云祭祀之蔽膝爲科上槁作熯于氏易已無傳惟
散見於陸氏釋文李氏集解近海鹽胡氏編鹽邑
志林乃抄撮其僅存者刊行之

殷氏融象不盡意論

一篇

佚

按南史殷景仁傳云陳郡長平人曾祖融晉太常
隋志有晉太常卿殷融集十卷

黃氏 穎 周易注

隋志四卷 七錄唐志十卷

佚

隋志晉儒林從事黃穎注今殘缺

陸德明曰南海人晉廣州儒林從事

按黃氏易賁于丘園賁作世豚魚作遯魚

宋氏 岱 周易論

隋志一卷

佚

隋志晉荊州刺史宋代岱撰

徐氏 邈 周易音

隋志一卷

佚

晉書徐邈東莞姑幕人孝武帝招延儒學之士謝安舉以
應選補中書舍人撰正五經音訓學者宗之選中書侍郎
太子前衛率安帝即位拜驍騎將軍所注穀梁傳見重於
時

陸德明曰邈字仙民

按徐氏於諸經皆有音顏氏家訓書證音辭篇屢
引之

范氏 宣 周易論難

佚

經義考 易

晉書范宣字宣子陳留人博綜衆書尤善三禮太尉郗鑒命爲主簿詔徵太學博士散騎郎並不就著禮易論難皆行於世

李氏顓周易卦象數旨

七錄六卷

佚

晉書克子顓郡舉孝廉亦有文義多所著作

隋志東晉樂安亭侯李顓撰

陸德明曰顓字長林江夏人東晉本郡太守

顧氏夷等周易難王輔嗣義

七錄一卷

佚

隋志晉揚州刺史顧夷等撰

李氏軌周易音

隋志一卷

佚

隋志東晉尚書郎李軌撰

陸德明曰軌字弘範江夏人東晉祠部郎中都亭侯

宋氏處宗通易論

唐志一卷

佚

李氏悅之易音

佚

晉書悅之字元禮陳郡陽夏人始爲謝玄參軍後爲會稽

王道子所親愛每勸道子專攬朝權俄而見誅
冊府元龜悅之注繫辭又為易音

沈氏熊周易譜

唐志一卷

佚

周易雜音

唐志三卷

佚

范氏長生周易注

隋志作蜀十卷舊唐志同

佚

顏之推曰易有蜀才注江南學士遂不知是何人王儉四

部目錄不言姓名題云王弼後人謝昺夏侯該並讀數千

卷書皆疑是譙周而李蜀書一名漢之書云姓范名長生

自稱蜀才而方以晉渡江後北間傳記皆名為偽書不貴

省讀故不見也

十六國春秋西山范長生巖居穴處李雄欲迎立為君而

臣之長生固辭曰推步大元五行大會甲子祚鍾于李非

吾節也雄即成都王位長生乘素輿詣成都即拜丞相尊

曰范賢長生善天文有術數民奉之如神

華陽國志李雄克成都迎范賢為丞相尊為天地太師封

西山侯賢名長生一名延久又名九重一曰支字元涪陵

丹輿人

按釋文引蜀才注大車以載作大輿官有渝官作

館君子以明庶政明作命大耄作啞羸其角羸作
累箕子之明夷箕作其二簋作軌懲忿窒欲懲作
澄壯于頄作仇莧陸夫夫陸作睦繫于金柅作尼
孚乃利用禴作躍在天成象成作盛知崇禮卑禮
作體研幾作擘幾參天兩地而倚數作奇數

經義考卷十一終

弟子桐鄉錢 琇覆校

經義考卷十二

秀水 朱彝尊 編

男 昆田 校

易 十一

宋明帝集群臣講易義疏

隋志十九卷

七錄唐志
二十卷

佚

國子講易議

七錄六卷

佚

宋書帝好讀書愛文義在藩時撰江左以來文章志又續
衛瓘所著論語二卷行於世及即位才學之士多引進叅

侍文籍應對左右於華林園芳堂講周易常自臨聽
隋志周易義疏宋明帝集群臣講

張氏該等群臣講易疏

唐志二十卷

佚

荀氏柔之易音

佚

陸德明曰頽川頽陰人宋奉朝請

冊府元龜荀柔之注周易繫辭并為易音

按釋文議之而後動荀本作儀之

雷氏次宗周易注

佚

豫章古今記雷次宗字仲倫入廬山事沙門惠遠篤志好
學屢徵不起注禮記周易

何氏諲之周易疑通

七錄五卷

佚

阮孝緒曰宋中散大夫何諲之撰

張氏浩周易占

隋志一卷

佚

按南史張暢子浩官至義陽王昶征北諮議叅軍
融之兄也

徐氏爰易音

佚

陸德明曰爰字季玉琅琊人

竇蒙曰爰字長玉本名瑗避傅亮諱除玉宋大中大夫

范氏敬周易義

隋志一卷

佚

隋志宋陳令范敬撰

齊國學周易講疏

七錄二十六卷

佚

阮孝緒曰齊永明中國學講

祖氏冲之易義

佚

南齊書冲之字文遠范陽薊人少稽古有機思宋元嘉中
用何承天所制歷比古十一家為密冲之以為尚疎乃更
造新法孝武令朝士善歷者難之不能屈出為婁縣令謁
者僕射永明中轉長水校尉著易老莊義釋論語孝經注
九章造綴述數十篇

顧氏歡注王弼易

佚

南齊書歡字景怡吳郡鹽官人篤志好學躬耕誦書夜則
然糠自照母亡廬於墓次遂隱遁不仕於剡天台山開館
聚徒受業者常近百人太祖輔政徵為揚州主簿及踐阼
乃至稱山谷臣請退東歸上賜麈尾素琴永明元年詔徵

經義考 卷十一
三
為太學博士不就卒於剡山歡注王弼易二繫學者傳之
沈氏 麟士 易經要畧

佚

南齊書麟士字雲禎吳興武康人少好學家貧織簾讀書
口手不息隱居餘干吳差山講經教授從學者數十百人
各營屋宇依止其側昇明末詔徵為奉朝請永明六年徵
為太學博士建武二年徵著作郎永元二年徵太子舍人
並不就著周易兩繫莊子內篇訓注易經禮記春秋尚書
論語孝經喪服老子要畧數十卷

徐氏 伯珍 周易問答

七錄一卷

佚

南齊書伯珍字文楚東陽太末人究尋經史遊學者多依
之太守王曇生張淹並加禮辟伯珍應召乃退如此者凡
十二焉吳郡顧歡摘出尚書滯義伯珍訓答甚有條理永
明二年刺史豫章王辟議曹從事不就卒年八十四

周氏 顓 周易論

隋志十卷 七錄三 十卷

佚

南史顓字彥倫顓七世孫元徽中為剡令齊高帝輔政為
齊殿中郎建元初為文惠太子中軍錄事參軍轉太子僕
兼著作撰起居注遷中書郎轉國子博士

梁武帝周易大義

隋志二十一卷 唐志二十一卷

經義考 易

大義疑問

佚

唐志二十卷

佚

周易講疏

隋志三十五卷

佚

梁書高祖文思欽明能事畢究少而篤學洞達儒玄雖萬幾多務猶卷不輟手然燭側光常至戊夜造制旨孝經義周易講疏及六十四卦二繫文言序卦等義樂社義毛詩答問春秋答問尚書大義中庸講疏孔子正言老子講疏凡二百餘卷並二先儒之迷開古聖之旨王侯朝臣皆奉

表質疑高祖皆為解釋大同中於臺西立士林館領軍朱异太府卿賀琛舍人孔子祛等遞相講述於是四方郡國趨學向風

簡文帝易林

十七卷

佚

南史帝博綜群言善談玄理弘納文學之士賞接無倦嘗於玄圃述武帝所製五經講疏聽者傾朝野所著禮大義二十卷易林十七卷諸非經義不錄並行於世

元帝周易講疏

梁書十卷

佚

南史元帝性愛書籍既患日多不自執卷置讀書左右番
次上直晝夜爲常畧無休已雖倦卷猶不釋五人各伺一
更恒致達曉常眠熟大鼾左右有睡讀失次序或偷卷度
紙帝必驚覺更令追讀注周易講疏十卷連山三十卷筮
經十二卷

顏之推曰元帝在江荆間召置學生親爲教授廢寢忘食
以夜繼朝至於倦劇愁憤輒以講自解

連山

隋志三十卷

佚

段成式曰梁元帝易連山每卦引歸藏斗圖立成委化集
林及焦贛易林

洞林

隋志三卷

佚

元帝自序曰蓋聞玄枵之野鬼方難測朱鳥之舍神道莫
知而緹縵曉披既辨黃鍾之氣靈臺夕望便知玉井之色
復以談乎天者雖絕名言之外存乎我者還居稱謂之中
余幼學星文多歷歲稔海中之書畧加尋究巫咸之說偏
得研求雖紫微迢遞如觀掌握青龍顯晦易乎窺覽美門
五將亟經玩習韓終六王常所寶愛至如周王白雉之筮
殷人飛燕之卜著名聚雪非關地極之山卦有密雲能擁
西郊之氣文通七聖世經三古山陽王氏真解談玄河東
郭生纔能射覆兼而兩之竊自許矣

梁書十二卷

佚

南平王蕭偉周易幾義

隋志一卷

佚

周易發義

唐志一卷

佚

梁書南平元襄王偉字文達太祖第八子也天監元年封建安郡王十七年改封南平郡王

蕭歸周易義記

佚

隋書歸字仁遠梁昭明太子統之孫也父譽周太祖以為梁主都江陵譽薨歸嗣在位二十年梁之臣子諡曰孝明皇帝著孝經周易義記行於世

蕭子政周易義疏

隋志十四卷

佚

冊府元龜蕭子政為都官尚書撰周易義疏十四卷繫辭義疏三卷

伏曼容氏周易注

七錄八卷

佚

周易集林

唐志十二卷

又一卷

佚

南史伏曼容字公儀平昌安丘人善老易常云何晏疑易中九事以吾觀之晏了不學也為驃騎行參軍宋明帝好周易嘗集朝臣於清暑殿講詔曼容執經曼容素美風采明帝恒以方嵇叔夜使吳人陸探微畫叔夜像以賜之齊建元中仕為太子率更令與河內司馬憲吳郡陸澄共撰喪服建武中拜中散大夫曼容宅在瓦官寺東施高坐於廳事有賓客輒升高坐為講說生徒常數十百人梁臺建召拜司徒司馬出為臨海太守為周易毛詩喪服集解老莊論語義

陶氏

弘景

易髓

宋志三卷

佚

南史陶弘景字通明丹陽秣陵人齊高帝作相引為諸王侍讀除奉朝請永明十年脫朝服挂神武門上表辭祿詔許之止於句容之句曲山號華陽隱居時人謂為山中宰相大同二年卒詔贈太中大夫諡貞白先生

褚氏

仲都

周易講疏

隋志十六卷

佚

南史仲都錢唐人善周易為當時之冠梁天監中歷位五經博士

經義考 易

卷十二

按褚氏易錢唐全緩弘立受之正義每引其說其
云雷資風而益遠風假雷而增威頗與子夏傳地
得水而柔水得地而流辭義相近

何氏脩周易注

隋志十卷

佚

梁書脩字子季廬江潯人師事沛國劉瓛受易及禮記毛
詩起家齊秘書郎遷太子舍人出為建安太守遷司徒主
簿注易又解禮記於卷背書之謂為隱義累遷左民尚書
領驍騎中書令高祖踐阼詔為特進右光祿大夫遣領軍
司馬王果宣旨果至循單衣鹿巾執經卷下牀跪受詔書
就席伏讀謂果曰吾年已五十七月食四斗米不盡何容
得有宦情果還以報有敕給白衣尚書祿脩注周易十卷
毛詩總集六卷毛詩隱義六卷禮記隱義二十卷禮答問
五十五卷

賀氏瑒周易講疏

佚

梁書賀瑒字德璉會稽山陰人天監初為太常丞四年初
開五館以瑒兼五經博士七年拜步兵校尉領五經博士
所著禮易老莊講疏朝廷博議數十篇

朱氏昇集注周易

七錄一百卷

佚

梁書朱昇字彥和吳郡錢唐人遍治五經尤明禮易明山

賓表薦异高祖召見使說孝經周易義甚悅之召直西署
俄兼太學博士其年高祖自講孝經使异執讀累遷右衛
將軍時城西開士林館以延學士异與左丞賀琛遞日述
高祖禮記中庸義皇太子又召异於玄圃講易改加侍中
遷左衛將軍遷中領軍侯景舉兵反以計异爲名及寇至
文武咸尤之异慙憤發病卒所撰禮易講疏及儀注文集
百餘篇亂中多亡逸

孔氏

子佺

續朱异集註周易

一百卷

佚

梁書孔子祛會稽山陰人通經術尤明古文尚書初爲長
沙嗣王侍郎兼國子助教累遷散騎侍郎兼中書通事舍
人尋遷步兵校尉高祖撰五經講疏及孔子正言專使子
祛簡閱群書以爲義證事竟敕子祛與右衛朱异左丞賀
琛於士林館遞日執經累遷通直正員郎舍人如故著尚
書義二十卷集注尚書三十卷續朱异集注周易一百卷
續何承天集禮論一百五十卷

庾氏

詵

易林

二十卷

佚

南史庾詵字彥寶新野人梁武帝少與詵善及起兵署爲
平西府記室叅軍詵不屈普通中詔以爲黃門侍郎稱疾
不起卒諡貞節處士撰易林二十卷

費氏

元珪

周易注

七錄九卷

佚

隋書梁有齊安參軍費元珪著周易

陸德明曰蜀人

尹氏濤周易注

七錄六卷

佚

陸德明曰不詳何人

姚氏規周易注

隋志七卷

佚

崔氏觀周易注

隋志十三卷

佚

周易統例

隋志十卷

佚

馬氏楷周易爻

七錄一卷

佚

沈氏林周易義

七錄三卷

佚

武氏靖周易雜占

七錄八卷

佚

梁氏 著 周易開題義

唐志作開題論序疏

隋志十卷

佚

周易文句義疏

唐志二十卷

佚

周易釋序義

唐志三卷

佚

周氏 弘正 周易義疏

隋志十六卷

佚

陳書周弘正字思行汝南安城人起家梁太學博士累遷國子博士時於城西立士林館弘正居以講授聽者傾朝野焉弘正啓梁武帝周易疑義五十條又請釋乾坤二繫詔答曰知與張譏等三百一十二人釋乾坤文及二繫萬幾小暇試當討論大建五年授尚書右僕射卒於官諡曰簡子所著周易講疏十六卷論語疏十一卷孝經疏二卷顏之推曰梁世老莊周易總謂三玄武宣簡文躬自講論周弘正奉贊大猷化行郡邑學徒千餘實為盛美

張氏 譏 周易義 或作講疏

隋志三十卷

佚

南史張譏字直言清河武城人受學於汝南周弘正梁武帝嘗於文德殿釋乾坤文言譏與陳郡袁憲等與焉敕令論議諸儒莫敢先出譏乃整容而進諮審循環辭令溫雅帝異之賜羣襦絹云表卿稽古之力爲士林館學士簡文發孝經題譏論議往復甚見嗟賞陳天嘉中爲國子助教後主嗣位爲國子博士東宮學士陳亡入隋終於長安所撰周易義三十卷尚書義十五卷毛詩義二十卷孝經義八卷論語義二十卷後主嘗敕就其家寫入秘閣

晉氏

弘度

易林

隋志三卷

佚

經義考卷十二終

弟子江陰趙天潤覆按

經義考卷十三

秀水 朱彝尊 編

男 昆田 校

易 十二

崔氏 浩 周易注

隋志十卷

佚

北史浩字伯深明元初拜博士祭酒常授帝經書明元好陰陽術數聞浩說易及洪範五行善之因命筮吉凶參觀天文考定疑惑浩總覈天人之際舉其綱紀者數家多有應驗襲爵白馬公進爵東郡公拜太常卿加侍中特進撫軍大將軍左光祿大夫遷司徒

浩自序曰國家西平河右敦煌張湛金城宗欽武威段承
根三人皆儒者並有雋才見稱於西川每與余論易余以
左氏傳卦解之遂相勸爲注故因退朝之餘暇而爲之解
焉

闕氏駟集王朗易傳

佚

魏書闕駟字玄陰敦煌人博通經傳三史羣言經日則誦
時人謂之宿讀注王朗易傳學者藉以通經撰十三州志
行於世沮渠蒙遜重之常侍左右拜秘書考課郎中給文
吏三十人典校經籍刊定諸子三千餘卷加奉車都尉牧
犍待之彌重拜大臺遷尙書

劉氏昞周易注

佚

魏書劉昞字延明敦煌人隱居酒泉不應州郡之命弟子
受業者五百餘人李暠署爲儒林祭酒從事中郎注周易
行於世蒙遜平酒泉拜秘書郎築陸沉館於西苑躬往禮
焉號玄處先生月致羊酒牧犍尊爲國師親自致拜命官
屬以下皆北面受業焉世祖平涼州拜樂平王從事諸郎
按釋文引劉氏注豐初九雖旬作鈞

盧氏景裕周易注

佚

魏書盧景裕字仲孺小字白頭范陽涿人也專經爲學居
拒馬河將一老婢作食妻子不自隨從又避地大寧山居
無所業惟在注解世號居士前廢帝初除國子博士甚見

親遇待以不臣之禮永熙初以例解天平中還鄉里河間
邢摩納與景裕從兄仲禮據鄉作逆逼其同反以應元寶
炬齊獻武王命都督賀拔仁討平之聞景裕經明行著驛
馬特徵既而舍之使教諸子在館十日一歸家隨以鼎食
先是景裕注周易注尚書孝經論語禮記老子其毛詩左
氏傳未訖齊文襄王入相於第開講招延時雋令景裕解
所注易景裕義理精微吐發閑雅時有問難或相詆呵大
聲厲色言至不遜而景裕神采儼然風誦如一從容往復
無際可尋由是士君子嗟美之普泰初復除國子博士與
和中補齊王開府屬卒於晉陽景裕雖不聚徒教授所注
易大行於世

關氏明易傳

宋志一卷

存

張晞河東先賢傳關朗字子明河東解人有經濟大器或
以占算示人而不求宦達魏太和末并州刺史王蚪奏署
子明爲記室因言於孝文帝帝曰張繇郭祚昔嘗言之朕
以卜筮之道不足見爾蚪曰此人言微道深非繇祚所能
知也召見帝問老易子明寄言玄象實陳王道翼日帝謂
蚪曰關朗管樂之器豈占算而已使蚪與子明著成疑筮
論數十篇即今易傳孝文帝崩明年蚪卒子明遂不仕居臨汾
山授門人春秋老易號關先生學

中興書目關子明易傳一卷唐趙蕤注阮逸詮次刊正

陳師道曰世傳王氏立經薛氏傳及關子明易傳李衛公

對問皆阮逸所著逸嘗以草示蘇明允而子瞻言之
晁公武曰關子明易傳四庫書不載李邕鄆始著之目云
王通贊易蓋本此也

陳振孫曰關氏易隋唐志皆不錄或云阮逸僞作
朱子曰關子明易僞書也

項安世曰唐李鼎祚集解易盡脩前世諸儒之說獨無所
謂關子明者蓋阮逸僞作也

王應麟曰子明易傳卜百年義第一次以統言易義大衍
乾坤策盈虛闔闢理性時變動靜神義終於雜義第十一
吳萊後序曰予始讀文中子中說頗載關朗子明事後得
天水趙蕤所注關子易傳十有一篇大槩易上下繫之義
疏耳首述其出處本末次分卜百年數別爲一篇似皆出

之王氏或曰王氏中說本於阮逸關氏易傳肇於戴師愈
師愈江東老儒也觀其傳統言消息盈虛爻象策數之類
獨與張繇相問答繇嘗薦之魏孝文而王氏之贊易世傳
關氏學也是又豈盡假託而後成書歟夫易之道大矣世
之言易者徃徃不求其道之一卒使其學鑿焉而各不同
是故談理致者多溺於空虛守象數者或流於讖緯此豈
聖人之意哉蓋天地之初未始有物也聖人特因其自然
之理故推而爲七八九六之數非苟畫焉將以著其未畫
之妙而已後之儒者苟造其理而過爲其畫之求太玄準
易者也洞極則又擬玄者也玄之數起於三而洞極之數
亦起於三生以配天育以配地資以配人猶易所謂三極
之道也故凡三體九變三九二十有七始於萌而實訖於

幾正且通焉今其書世見之者亦少中說所載殆未嘗及
此然而王氏每尊其學之所自且欲自當達者以爲聖人
復出王道復行而洙泗禮樂之教復明於斯世毋乃徒托
於此而侈言之歟至於考之以典禮稽之以龜策即人事
以申天命懸曆數以示將來關氏之學蓋深於易者也雖
然昔者子張嘗欲知來聖人但言其既往者以告之是故
三代常因其禮之大體而或損益其制非謂王者有是禮
也必過其所卜之數夏以金王得數之生商以水王周以
木王得數之成聖人不敢知也爲其說者尊周漢廢介鄴
且以明真主正統之所歸後世讖緯之流耳楚靈欲弑天
下既不得卜則投龜而詬天孫皓亦命尙廣卜焉且曰庚
子之歲青蓋入洛彼二君者曾不悟其已之不修而徒欲
惟天之決也故天命吉凶命歷年必以其類應亦可見其
槩耳元魏以下爭奪擾攘乃若灼然親覩其事無有少差
忒者張繇之殺亂端見矣曾不告之以避禍者何也其數
也耶銓削選格排沮武人不可謂之數也果其理有以召
之故耶雖然法自此立命由此出聖人人而合天者也關
氏猶拳拳於天人相與之際今之言天者類曰是莫之爲
而爲者終至於廢人事而不之講嗚呼關氏之學殆孤矣
吾欲削其不合者而著其合者且書此以質於人焉
胡應麟曰新舊唐書志並無關氏易傳則此書爲阮逸僞
撰無疑

李氏

鉉

周易義例

佚

北史李鉉字寶鼎渤海南皮人從浮陽李周仁受毛詩尚書章武劉子猛受禮記常山房蚪受周宮儀禮漁陽鮮于靈馥受左氏春秋詣大儒徐遵明受業居門下五年稱高弟撰定孝經論語毛詩三禮義疏及三傳異同周易義例合三十餘卷舉秀才除太學博士文襄徵詣晉陽天保初兼國子博士卒特贈廷尉少卿

權氏會周易注

佚

北齊書權會字正理河間鄭人少受鄭易探賸索隱妙盡幽微詩書三禮文義該洽魏武定初貢孝廉策居上第解褐四門博士皇建中轉加中散大夫每為人占筮小大必中但用爻辭象象以辨吉凶易占之屬都不經口注易一部行於世

何氏安周易講疏

隋志十三卷北史三卷

佚

北史何安字棲鳳西城人入周仕為太學博士封襄城縣男文帝受禪除國子博士加通直散騎常侍進爵為公出為龍州刺史以疾請還詔許之尋為國子祭酒卒官諡曰肅撰周易講疏三卷孝經義疏二卷並行於世

王氏通讚易

十卷

佚

杜淹曰文中子續詩書正禮樂修立經讚易道九年而六

經大就門人自遠而至河南董常太山姚義京兆杜淹趙郡李靖南陽程元扶風竇威河東薛收中山賈瓊清河房玄齡鉅鹿魏徵太原溫大雅潁川陳叔達等咸稱師北面受王佐之道焉

王讜曰文中子隋末隱於白牛谿著王氏六經北面授學者皆時偉人國初多居佐命之列而王氏六經卒不傳至元和初劉禹錫撰宣州觀察使王贊碑盛稱文中子能昭明大道以大中立言游其門者皆天下俊傑自餘士大夫擬議及史冊未有言文中子者

司馬光補傳曰王通字仲淹河東龍門人受書於東海李育受詩於會稽夏璵受禮於河東關朗受樂於北平霍汲受易於族父仲華仁壽二年西入長安獻太平十二策帝

不能用罷歸尋復徵之煬帝即位又徵之皆稱疾不至專以教授爲事乃著禮論二十二篇樂論二十篇續書百有五十篇續詩三百六十篇立經五十篇讚易七十篇謂之王氏六經大業十年尙書召通蜀郡司戶十一年以著作郎國子博士徵皆不至十四年病終於家門人諡曰文中子

黃震曰文中子之書以易老並言以釋老與儒爲三教蓋亦六朝流俗耳

王應麟曰王通仲淹讚易七十篇讚易道以申先師之旨吳師道曰程子曰王通隱德君子也其言爲人傳會不可謂全書論其粹處非荀楊所及續經之類皆非其作朱子極論續經之僞而又曰至於假卜筮象論語而強引唐初

文武名臣以爲弟子是乃福時之所爲而非其意二先生所以論王氏者當矣愚嘗觀韓子送王含序謂讀醉鄉記悲其託於昏冥以逃不遇聖人爲之歸者以爲續蓋通之弟通之學以尊孔氏與韓同科何以無一言及之稱醉鄉之文辭而續經中說乃反不道耶因是而思福郊福時與其門人既傳會成書當時耳目猶近故藏於家而不敢出意數世之後殆不復有辨之者故劉禹錫李翱始舉其名二人與韓同時而韓獨未見蓋其傳猶未廣唐季皮日休司空圖好之而始章其出沒隱顯之故可知矣然其歲月事實牴牾乖刺終不足以掩後世之耳目也夫子之於親弟子之於師其所以尊崇褒美之者固無不極其至然當以誠心不欺爲主虛美誣辭豈所以爲愛哉不惟自陷於妄僞而反爲父師之累至有不信其真有是人者郊時門人之罪可勝誅哉因書之以爲世戒

楊時喬曰諸儒謂文中子之易出於關朗自言讚易道以申先師之志所讚者亦易之末節爾不知易理故也陸世儀曰世之論文中子者多不同有極詆之者有極稱之者其言皆不平惟程子謂王通隱德君子當時言語後來爲人傳會其粹處殆非前楊所及若續經之類皆非其所作此爲至當不易之論

王氏又立周易注

唐志十卷

佚

王氏欽冲周易注

經義考易

唐志十卷

佚

侯氏 果 易說

佚

王應麟曰朋盍簪簪疾也至侯果始有冠簪之訓是景迂云古者禮冠未有簪名

虔氏 薛 周易音注

佚

胡一桂曰虔薛音注見陸德明引

臨氏 孝恭 孔子馬頭易卜書

一卷

佚

隋書藝術傳臨孝恭京兆人明天文算術高祖甚親遇之令考定陰陽官至上儀同

何氏六象論 以下失名

一篇

佚

玉海何襄城為六象之論曰實象曰假象曰偏象曰圓象曰義象曰用象蕭氏難之不取偏象圓象而立四象之論

謝氏周易注

七錄八卷

佚

莊氏易義

佚

按莊氏易解正義屢引之其論彖曰彖斷也斷定
一卦之義所以名爲彖也凡有一十二體孔氏稱
其理密所詮與卦謂得正旨劉瓛分繫辭下爲十
二章莊氏定爲九章正義從之至於釋豫利建侯
行師謂建侯卽元亨行師卽利貞孔氏以屯元亨
利貞文後別云利建侯以莊氏爲非是
又按正義所引莊氏說每與褚仲都同惟王弼注
恒而亨以濟三事褚氏爲三事爲无咎利貞利有
攸往莊氏謂三事无咎一也利二也貞三也意見
不同

傅氏周易注

隋志十三卷

啓蒙翼傳
作十四卷

佚

按釋文泰初九引傅氏注彙古偉字美也賁卦辭
引傅氏注賁古斑字文章貌萃初六引傅氏注一
握作渥

盧氏周易注

隋志十卷

佚

范氏周易音

隋志一卷

佚

顏氏周易立成占

隋志三卷

經義考 易 卷十三

顏氏周易孔子通覆決

隋志三卷

佚

鄭氏易腦經

隋志二卷

佚

晉易臚

八卷 今止存二卷

闕

馮椅曰前志無之中興得於民間題晉人撰

周易雜論

七錄十四卷

以下俱佚

周易問

隋志二十卷 唐志十卷

擬周易義疏

七錄十三卷

周易文句義

隋志二十卷

按此疑即梁蕃書

周易新圖

七錄一卷

周易譜

經義考 易

隋志一卷

周易雜占

隋志十三卷 又十卷

易要決

隋志二卷 七錄三卷

周易新林

隋志一卷 又二卷

周易林

隋志十卷 七錄三十三卷

易讚林

隋志二卷

易立成

隋志四卷

神農重卦經

隋志二卷

文王幡音

隋志一卷

易三備

隋志三卷 又一卷

鄭樵曰上備言天文 中備卜筮 下備地理

宋志題孔子師徒所述蓋依託也

易占

隋志三卷

易射覆

經義考 易

隋志二卷 又一卷

易林要决

隋志一卷

周易曆

隋志七卷

周易初學筮要法

七錄一卷

易曆决疑

隋志二卷

周易卦林

隋志一卷

易新圖序

隋志一卷

易通統圖

隋志二卷 又一卷

易統卦驗玄圖

隋志一卷

易八卦斗內圖

隋志二卷 又二卷

周易八卦五行圖

七錄一卷

周易斗中八卦絕命圖

七錄一卷

周易斗中八卦推游年圖

經義考 易

卷十三

三

七錄一卷

周易髓腦

隋志二卷

周易分野星圖

隋志一卷

經義考卷十三終

弟子潛山余光全覆按

經義考卷十四

秀水 朱彝尊 編

男 昆田 校

易 十三

魏氏 徵 周易義

六卷

佚

舊唐書魏徵字玄成鉅鹿曲城人李密召典書記竇建德署為起居舍人隱太子引直洗馬太宗引為詹事主簿及踐祚拜諫議大夫遷秘書監代王珪為侍中加左光祿大夫封鄭國公特進知門下事拜太子太師薨贈司空相州都督諡文貞

經義考 易

卷一四

按是書新舊唐志均不載蓋即史證口訣義惟因
荆南田鎬藏書目誤云魏鄭公撰而紹興中秘書
省續編到四庫闕書目亦載之昭德晁氏郡齋讀
書志已糾其謬矣今仍著於錄慮洽聞者槪其闕
漏也

孔氏 穎達

等周易正義

舊唐志十四卷

中興書目同新
唐志作十六卷

存

新唐書傳孔穎達字仲達冀州衡水人太宗平洛授文學
館學士遷國子博士貞觀初封曲阜縣男轉給事中除國
子司業歲餘以太子右庶子兼司業加散騎常侍爵爲子
久之拜祭酒後致仕卒陪葬昭陵贈太常卿諡曰憲初穎

達與顏師古司馬才章王恭王談受詔撰五經義訓凡百
餘篇號義贊詔改爲正義云雖包貫異家爲詳博然其中
不能無謬欠博士馬嘉運較正其失至相譏詆有詔更令
裁定功未就永徽二年詔中書門下與國子三館博士弘
文館學士考正之於是尚書左僕射于志寧右僕射張行
成侍中高季輔就加增損書始布下

新唐書志國子祭酒孔穎達顏師古司馬才章王恭太學
博士馬嘉運太學助教趙乾叶王談于志寧等奉詔撰四
門博士蘇德融趙弘智覆審

崇文總目唐太尉長孫無忌與諸儒刊定宋朝端拱初國
子祭酒孔維等奉詔是正其言王申王學云

穎達序曰夫易者象也爻者效也聖人有以仰觀俯察象

天地而育群品雲行雨施教四時以生萬物若用之以順則兩儀序而百物和若行之以逆則六位傾而五行亂故王者動必則天地之道不使一物失其性行必協陰陽之宜不使一物受其害故能彌綸宇宙酬酢神明宗社所以無窮風聲所以不朽非夫道極玄妙孰能與於此乎斯乃乾坤之大造生靈之所益也若夫龍出於河則八卦宣其象麟傷於澤則十翼彰其用業資九聖時歷三古及秦亡金鏡未墜斯文漢理珠囊重興儒雅其傳易者西都則有丁孟京田東都則有荀劉馬鄭大體更相祖述非有絕倫惟魏世王輔嗣之注獨冠古今所以江左諸儒並傳其學河北學者罕能及之江南義疏十有餘家皆辭尙虛玄義多浮誕原夫易理難窮雖復古之又玄至於垂範作則便是有而教有若論任內任外之空就能就所之說斯乃義涉於釋氏非爲教於孔門也既背其本又違於注至若復卦云七日來復並解云七日當爲七月謂陽氣從五月建午而消至十一月建子始復所歷七辰故云七月今按輔嗣注云陽氣始剝盡至來復時凡七日則是陽氣剝盡之後凡經七日始復但陽氣雖建午始消至建戌之月陽氣猶在何得稱七月來復故鄭康成引易緯之說建戌之月以陽氣既盡建亥之月純陰用事至建子之月陽氣始生隔此純陰一卦卦至六日七分舉其成數言之而云七日來復仲尼之緯分明輔嗣之注若此康成之說遺跡可尋

輔嗣注之於前諸儒背之於後考其義理其可通乎又蠱卦云先甲三日後甲三日輔嗣注云甲者創制之令又若

漢世之時甲令乙令也輔嗣又云令洽乃誅故後之三日
又巽卦云先庚三日後庚三日輔嗣注云申命令謂之庚
輔嗣又云甲庚皆申命之謂也諸儒同於鄭氏之說以爲
甲者宣令之日先之三日而用辛也欲取改新之義後之
三日而用丁也取其丁寧之義王氏注意本不如此而又
不顧其注妄作異端今既奉勅刪定考察其事必以仲尼
爲宗義理可詮先以輔嗣爲本去其華而取其實欲使信
而有徵其文簡其理約寡而制衆變而能通仍恐鄙才短
見意未周盡謹與朝散大夫行大學博士臣馬嘉運守大
學助教臣趙乾叶等對共叅議詳其可否至十六年又奉
勅與前修疏人及給事郎守四門博士上騎都尉臣蘓德
融等對勅使趙弘智覆更詳審爲之正義凡十有四卷庶
望上裨聖道下益將來故序其大略附之卷首爾

歐陽修曰于志寧撰孔穎達碑質於唐書列傳字有不同
傳云字仲達碑云字冲遠可以正傳之謬

張唐英曰穎達周易正義發明三聖之旨通貫萬化之蘊
其亦深於易乎

陳振孫曰序云十四卷館閣書目亦云今本止十三卷按
五經正義本唐貞觀中穎達與顏師古等受詔撰五經義
贊後改正義博士馬嘉運駁正其失永徽二年中書門下
于志寧等考訂增損書始布下其實非一手一足之力世
但稱孔疏耳其說專釋一家注文爲正

程秘曰自王弼以後江南義疏祖尙虛無至唐孔穎達辨
析音義頗爲當時所宗然至於聖賢用心斯道大統固未

之深及也

黃震曰陸德明顏師古孔穎達訓詁之學用意良苦如漢馬鄭之流矣

胡一桂曰易正義大槩因王弼韓康伯注為之解釋敷演於義理象數之學未能卓然有所見也

王禕曰孔穎達撰定諸經之疏號曰正義自是以來著為定論凡不本於正義者謂之異端誠學者之宗師百世之所取信也

按葉氏菴竹堂書目有長孫無忌周易要義五冊凡十八卷無錫秦對巖前輩今有其書大略與正義相同考正義即係無忌刊定非別一書也

周易玄談

六卷

佚

董真卿曰穎達與顏師古等同撰周易正義又撰玄談六卷

按紹興書目有之

陸氏

德明

周易文句義疏

唐志二十四卷

本傳二十卷

佚

周易大義

唐志作文外大義

隋志二卷

佚

舊唐書陸德明蘇州吳人太宗徵為秦府文學館學士貞

觀初拜國子博士封英縣男

新唐書陸元朗字德明以字行隋大業初為太學博士世稱左氏有徐文遠禮有褚徽詩有魯達易有陸德明皆一時冠

周易釋文

唐志一卷

存

陳振孫曰多援漢魏以前諸家說蓋唐初諸書皆在也卦首注某宮某世用京房說

王氏

玄度

周易注

舊唐志十卷

佚

冊府元龜王玄度為校書郎貞觀十六年十月上其所注尚書毛詩周易并義次三卷與舊解尤別者一百九十餘條付學官詳其可否諸儒皆因習先師譏其穿鑿玄度隨方應答竟不肯屈太宗欲廣見聞並納之秘府

任氏

希古

周易注

唐志十卷

佚

計敏夫曰任希古字敬臣棣州人舉孝廉虞世南器其人為弘文閣學士終太子舍人

薛氏

仁貴

周易新注本義

唐志十四卷

佚

舊唐書仁貴絳州龍門人右領軍衛將軍檢校代州都督
贈左驍衛將軍

歐陽棐曰苗仁客撰薛仁貴碑云薛禮字仁貴河東汾陰

人

李氏 淳風 周易玄義

通志三卷

佚

周易薪冥軌

通志一卷

未見

舊唐書李淳風岐州雍人博涉群書尤明天文曆算陰陽
之學貞觀初直太史局除太常博士尋轉太史丞遷太史

令

按是書一齋書目有之

袁氏 天綱 易鏡玄要

通志一卷

佚

舊唐書袁天綱益州成都人隋大業中為資官令武德初

蜀道使詹俊赤牒受火并令

陰氏 弘道 周易新論傳疏 弘或作

唐志十卷

佚

新唐書志顯子臨渙令

崇文總目洪道世其父顯之業雜采子夏孟喜等十八家

之說參訂其長合七十二篇於易有助云

按紹興闕書目有之

王氏勃 周易發揮

唐志五卷

佚

楊炯曰君所著周易窮於晉卦

舊唐書勃字子安絳州龍門人年未及冠應幽素舉及第
上元二年往交趾省父渡南海墮水而卒勃好著書撰周
易發揮五卷亡後並多遺失

新唐書勃嘗讀易夜夢若有告者曰易有太極子勉思之
寤而作易發揮數篇至晉卦會病止

崔氏憬 周易探玄

佚

李鼎祚曰崔氏探玄病諸先達

謂大衍說

及乎自料未免小疵

按崔憬時代莫考李鼎祚集解引用最多稱為新
義中援孔疏其為唐人無疑矣

趙氏蕤 注關子明易傳

一卷

存

蕤自序曰蕤非聖人五十安知天命然從事於易雖亂離
中未嘗釋卷蓋天命深微莫研其極而子明之傳蕤粗通
之然恨此書亡篇過半今所得者無能詮次但隨文義解
注庶學者觸類而長當自知之爾

孫光憲曰蕤梓州鹽亭人博學韜鈴長於經世夫婦俱有

隱操不應辟名

祝穆曰蕤篤學不仕與李白善嘗著書號長短經

曹學佺曰蕤梓州人李白嘗師事之所謂趙徵君也

張氏孤周易王道小疏

宋志五卷紹興書目十卷

佚

按世所傳卜子夏易晁景迂謂是張孤偽作而孤
白有王道小疏惜其書不傳無從辨其辭旨之異
同也孤未詳何時人所著素履子三卷題曰唐將
仕郎試大理寺評事考子夏易傳開元中即詔儒
官詳定而資州李氏集解屢引之意其為唐初人
乎

王氏隱周易要削

宋志三卷

佚

胡一桂曰自題丘園子王隱自序云總康成輔嗣輩所說

曰要削者言撮其要也稱天寶庚寅知為唐人

李氏鼎祚周易集解新唐書作集注周易

新唐志十七卷中興書目通考十卷

存

中興書目集解十卷唐著作郎李鼎祚集子夏孟喜京房

馬融荀爽鄭康成劉表何晏宋衷虞翻陸績干寶王肅王

輔嗣姚信王廙張璠向秀王凱冲侯果蜀才翟玄韓康伯

劉瓛何妥崔憬沈麟士盧氏崔觀孔穎達等凡三十餘家

附以九家易乾鑿度凡十七篇其所取荀虞之說爲多
中興藝文志李鼎祚易宗鄭康成排王弼

鼎祚自序曰原夫權輿三教鈴鍵九流實開國承家修身
之正術也自卜商入室親授微言傳注百家綿歷千古雖
競有穿鑿猶未測淵深惟王鄭相沿頗行於代鄭則多參
天象王乃全釋人事且易之爲道豈偏滯於天人者哉致
使後學之徒紛然淆亂各修局見莫辨源流天象遠而難
尋人事近而易習則折楊皇華嗑然而笑方以類聚其在
茲乎臣少慕玄風游心墳籍歷觀炎漢迄今巨唐採群賢
之遺言議三聖之幽蹟集虞翻荀爽三十餘家刊輔嗣之
野文補康成之逸象各列名義共契玄宗先儒有所未詳
然後輒加添削每至章句僉列發揮俾童蒙之流一覽而
悟達觀之士得意忘言當仁既不讓於師論道豈慙於前
哲至如卦爻象象理涉重玄經注文言書之不盡別撰索
隱錯綜根萌音義兩存詳之明矣其王氏畧例得失相參
采葑采菲無以下體仍附經末式廣未聞凡成一十卷以
貽同好冀將來君子無所疑焉

計用章後序曰易之爲書無所不通大焉天地之變細之
鱗介之動數宜象索惟神之測聖師歿七十弟子喪後出
之師各專其習故異同派焉晉魏之際傳者尤衆獨王氏
爲異摘去拘滯特論人事蓋得聖人所以爲易之意是以
歷代貴之列諸學官學者誦焉諸儒章句遂廢不著非好
古博雅人間鮮有傳者慶曆壬午相府策賢良六題一出
此書素未嘗見賢良多下者是冬予放謫北歸復官漢東

至淮安太守平陽公館焉公先德學士蜀之儒宗名爲博古因間以請遂出先學士所藏李氏易本俾予與其子彥孚習焉其書會數十章句取其合者著之其解卦異者家世變正時來旁通互採頗爲煩悉若何范之爲春秋者其所取荀慈明虞仲翔爲多而斥王氏李氏之志也彥孚既授卒業且欲中都官文與先學士之意因緘別本屬所親眉陽孫景初募工刊刻以廣傳布噫此書意例雖異其精者連環錯綜者有理證似非一人之學所能與意仲尼之後師師相承以及翻爽豈易之道天地人鬼神萬化巨細無不貫後之學者不能兼明直順所聞言之邪古之能事亡逸者多矣後或有惜之者况此書聖賢之遺旨所存乎他日有沉深志古得之怡然以自廣斯亦平陽氏之世德也慶曆甲申七月

晁公武曰鼎祚集解皆避唐諱又取序卦各冠雜卦之首其序云刊輔嗣之野文補康成之逸象蓋宗鄭學者也隋書經籍志所錄易類六十九部今所有五部而已關朗不載於目乾鑿度自是緯書焦贛易林又屬卜筮子夏書或云張弼僞爲然則隋志所錄含王弼書皆未得見也獨鼎祚所集諸家之說時可見其大旨唐錄稱鼎祚書十七卷今所有止十卷蓋亦失其七惜哉

李燾曰鼎祚自序止云十卷無亡失也

陳振孫曰隋唐以前易家諸書逸不傳者賴此書猶見其一二而所取於荀虞者尤多大家者漢淮南王所聘明易者九人荀爽嘗爲之集解陸氏釋文所載說卦逸象本於

九家易

朱睦㮮序曰唐藝文志稱李鼎祚集注周易十七卷據鼎祚自序云十卷而首尾俱全初無亡失不知唐史何所據而云十七卷也崇文總目及邯鄲圖書志亦稱七篇逸蓋承唐史之誤耳鼎祚解經多避唐諱又取序卦冠於各卦之首所引有子夏孟喜焦贛京房馬融荀爽鄭玄劉表何晏宋衷虞翻陸績干寶王肅王弼姚信王廙張璠向秀王凱冲侯果蜀才翟玄韓康伯劉瓛何妥崔憬沈麟士盧氏崔覲伏曼容孔穎達凡三十二家又引九家易乾鑿度諸說義有未詳鼎祚乃加增削予嘗綜其義例蓋宗鄭學者也自商瞿之後注易者百家而鄭氏玄王氏弼爲最顯鄭之學王象數王之學王名理漢晉以來二氏學並立至劉宋初顏延之爲祭酒黜鄭置王時陸澄王濟輩皆以爲不可自是汾陽諸儒多主於鄭江左及青齊多主於王唐興孔穎達受詔撰定五經正義於易獨取王傳而鄭學遂廢先代專門之業亦復不傳可勝嘆哉夫易有聖人之道四焉世之言理義之學者以其辭耳象變與占其可闕乎昔吳季札之曾觀樂見易象喜曰周禮盡在曾矣是故象者易之源也象成而有辭辭著而後有變變見而後有占若乃顛尚文辭不復推原大傳天人之道岐而爲二可乎康成去古未遠其所纂述必有所本鼎祚恐其失墜以廣其說均之爲有裨於易者是編刻自宋季人間希有存者頃歲予得之李中麓氏復用校梓以傳欲使聖人之道不致偏滯而自漢迄唐三千家之言亦不至埃滅弗聞也鼎

祚資州人仕唐爲秘閣學士以經術稱於時及閱唐列傳與蜀志俱不見其人豈遺之耶抑別有所載耶因附論著於此以俟博雅者考焉

潘恭定公序曰此唐李氏鼎祚所輯易解刻之者我明宗室西亭氏也六經之道大矣而易之爲原自古庖犧氏之王天下始畫八卦重之爲六十四周文王作卦辭公旦作爻辭孔子繫之以十翼所以闡陰陽之秘發天地之房者斯其至哉語有之乾坤毀則無以見易言易與天地相始終也自卜商以後傳注百家惟王鄭爲衆所宗頗行於代李氏謂鄭則多參天象王乃全釋人事易之爲道豈偏滯於天人哉於是採摭遺言歷漢迄唐集虞翻荀爽三十餘家刊輔嗣之野文補康成之逸象其用意勤矣夫二氣運

行彰往察來莫曠於天道而入象備之消息盈虛其數不可略也貞悔相因雜物撰德莫辨於人事而六位窮之乘承失得其理不可遺也故曰易也者天人之間者也孰或合之而孰或離之李之宗鄭斥王過矣迨及有宋儒道彰明若正叔程氏之易傳晦庵朱子之本義皆淵源王學而二書沛然大行於時近世因之立於學官凡師之所以教弟子所肄習者獨宗朱子是故童幼而頡一藝白首而或未能言蓋安於所習毀所不見卒以自蔽此學者之通患也儒先有言隋唐以前易家諸書逸不復傳賴李氏此書猶見其一二然則是編何可廢哉西亭氏者負陳思之軼才慕河間之大雅詞翰踔絕躋古作者之塗邇年好易潛心韋編遂以所得宋本募善工刻之以廣傳布詎不謂知

本者耶今夫崑崙之水其發源也滄海無垠演而為河流
滙而為滄海至於海而水之觀盡矣義文周孔之易辟則
崑崙之源也李氏之集解辟則河之衆流也程朱之傳義
辟則海之會歸也是故由集解而溯四聖之微言則其端
倪可測矣由集解而徵程朱之著述則其脈絡益明矣傳
云先王之祭川先河而後海或原或委之謂務本然則是
編之刻其先河之義也夫刻既完授余讀之日屬余序余
遂詮次其畧俾後之覽者有所考焉

按資州有李鼎祚讀書臺見袁桷清江居士集易
集解所采中興書目止列三十家此外尚有伏曼
容姚規朱仰之及彭城蔡景君說

易髓

宋志三卷

佚

郭氏

京

易舉正

宋志三卷

存

崇文總目唐蘇州司戶叅軍郭京撰京世授五經得王輔
嗣韓康伯手寫易經比世所行或頗差駁故舉正其訛而
著於篇

中興書目京自序言得王輔嗣韓康伯手寫定本比較今
所習者或將經入注用注作經小象中間以下句反居其
上文辭注內移後義却處於前兼有脫遺二字顛倒謬誤
者並依定本舉正其訛總一百三十五處二百七十三字

晁公武曰京自稱家藏王韓手札周易本及石經校正一百三十五處二百七十三字蓋以繇象相正有闕漏處可推而知託云得韓王手札及石經耳如渙之繇利涉大川下有利貞字而象辭無之則增入漸之繇女歸吉下無也字而象辭有之則削去他如此類

洪邁曰易舉正三卷云曾得王輔嗣韓康伯手寫注定傳授真本比較今世流行本及國學鄉貢舉人等本舉正其訛凡一百三節今畧取其明白者二十處載於此坤初六履霜堅冰至象曰履霜陰始凝也馴致其道致堅冰也今本於象文霜字下誤增堅冰二字屯六三象曰即鹿無虞何以從禽也今本脫何字師六五田有禽利執之無咎元本之字行書向下引脚稍類言字轉寫相仍故誤作言觀

注義亦全不作言字釋也比九五象曰失前禽舍逆取順也今本誤倒其句賁亨不利有攸往今本不字誤作小字剛柔交錯天文也文明以止人文也注云剛柔交錯而成文焉天之文也今本脫剛柔交錯一句坎卦習坎上脫坎字姤九四包失魚注云有其魚故失之也今本誤作无魚蹇九三往蹇來正今本作來反困初六象曰入于幽谷不明也今本谷字下多幽字鼎象聖人亨以亨上帝以養聖賢註云聖人用之上以亨上帝而下以養聖賢今本正文多而大亨三字故注文亦誤增大亨二字震象曰不喪匕鬯出可以守宗廟社稷以爲祭主也今本脫不喪匕鬯一句漸象曰君子以居賢德善風俗注曰賢德以止巽則居風俗以止巽乃善今本正文脫風字豐九四象遇其夷主

吉志行也今文脫志字中孚象豚魚吉信及也今本及字
下多豚魚二字小過象柔得中是以可小事也今本脫可
字而事字下誤增吉字六五象曰密雲不雨已止也注陽
已止下故也今本正文作已上故注亦誤作陽已上故止
也既濟象曰既濟亨小小者亨也今本脫一小字繫辭二
多譽四多懼注云懼近也今本誤以近也字爲正文而注
中又脫懼字雜卦蒙稚而著今本雜誤作雜字予頃於福
州道藏中見此書而傳之及在後省見晁公武所進易解
多引用之世罕有其書也

李燾曰京此書使經傳不相混亂殘闕復爲真全頗有益
於學者然能研諸侯之慮衍侯之字成言乎良當作誠若
此等京蓋未知豈王韓舊本固不免訛舛耶京開元後人
故所爲書不得著錄本末亦未詳要可惜云

趙汝楳曰郭京作舉正自以爲得王弼韓康伯手寫注定
傳授真本於今易有所損益凡一百三條坤初六象曰履
霜堅冰陰始凝也京本無堅冰二字按此乃舉爻辭以通
文義謂言履霜而遽及冰者霜爲陰凝之極故言始凝以
明堅冰之漸儻去堅冰但云始凝則始字無因而發或者
京因魏許芝之對而云爾卜史一時之言可據以改經耶
比九五象曰舍逆取順失前禽也京本失前禽在舍逆取
順之上意彼以釋辭在上爻辭在下乃倒顛之案小象類
此頗多恒九四曰田无禽象曰久非其位安得禽也解初
六曰无咎象曰剛柔之際義无咎也旅九三曰喪其僮僕
象曰以旅與下其義喪也凡是與此正同比聖人互文明

理之妙庸可臆改夫易全書也後人猶挾王韓之名以更古文他經何望焉

王應麟曰旅初六斯其所取灾王輔嗣注云為斯賤之役郭京謂斯合作慙愚按後漢左雄傳職斯祿薄注云斯賤也不必改慙字

黃宗炎曰郭氏易舉正文其義較長於今本

經義考卷十四終

弟子江寧張景載覆按

經義考卷十五

秀水 朱彝尊 編

男 昆田 按

易 十四

東鄉氏 助 周易物象釋疑

唐志一卷

未見 一齋書目有

助自序曰易以龍象乾以馬明坤隨事義而取象是故春秋傳辭多因物象而六十四卦三百八十四爻之文觸類而長洎甲子以六十為運而卦則六十四為周六十四而參六十合九百六十年為一元紀助今采於往疏未釋後學滯情者標出目為周易釋疑屬象比事約辭理伸云爾

朝散大夫守江陵少尹柱國賜紫金魚袋東鄉助上

蔡攸序曰昔者聖人之作易也始畫八卦而象在中象與卦並生以寓天下之賾故曰易者象也蓋俯仰以觀遠近以取神明之德可通鬼神之情狀可得而況於人乎況於萬物乎及因而重之發揮於剛柔而生爻則擬諸形容者其變不一而象亦爲之滋矣故邑屋宮庭舟車器械服帶簪履下至鳥獸蟲魚金石艸木之類皆在所擬至纖至悉無所不有所謂其道甚大百物不廢者此也其在上古尙此以制器其在中古觀此以繫辭而後世之言易者乃曰得意在忘象得象在忘言一切指爲魚兔之筌蹄殆非聖人作易前民用以教天下之意也助之作書盡推互體變卦之法以明爻象可謂有意於此矣而學之不明言之不擇往往傳致牽合先後牴牾學者蓋疑焉雖然後之學易而觀易者必自助發之故著其書以示來者

崇文總目唐東鄉助撰取變卦互體開釋言象蓋未始見康成之學而著此書

中興書目唐守江陵尹東鄉助撰其說以象之所生生於義也有斯義然後明之以物如以龍叙乾以馬明坤之類陳振孫曰東鄉一作東陽館閣書目又云守江陵尹東陽東鄉皆複姓也其序言隨事義而取象若以龍叙乾以馬明坤凡注疏未釋者標出爲此書

董真卿曰宋宣和四年蔡攸上其書

崔氏 良佐 易忘象

佚

唐宰相世系表良佐湖城簿

唐志注良佐深州安平人日用從子共居白鹿山門人諡

曰貞文孝父

元氏載集注周易

唐志一百卷

佚

劉昫曰載諂輔國以進身弄時權而固位眾怒難犯長惡不俊家亡而誅及妻子身死而殃及祖禰雖著文章殊乖德行

項德棻曰丁子襄注周易全書二三萬言而元載集注則一百卷

李氏吉甫

易象異義一作注一行易

佚

舊唐書李吉甫字弘憲趙郡人金紫光祿大夫中書侍郎平章事集賢殿大學士監修國史上柱國趙國公嘗討論易象異義附於僧一行集注之下

劉氏禹錫辨易九六論

一卷

存載中山集

新唐書劉禹錫字夢得自言系出中山擢進士第登博學宏詞科淮南杜佑表管書記入為監察御史擢屯田員外郎貶連州刺史裴度薦為禮部郎中集賢直學士度罷出為蘇州刺史以政最徙汝周二州遷太子賓客會昌時加

檢校禮部尚書

畢氏中和撰著法

佚

朱子曰畢氏撰法視疏義爲詳其論三撰皆挂一正合四營之教惟以三撰之掛劫分措於三指間爲小誤然其大數亦不差也

按劉夢得與董生言易辨易九六曰乾之爻皆九而坤六何也生曰我聞諸畢中和云舉老而稱也又謂董生言本畢中和中和本其師師之學本一行云柳子厚與夢得書以爲中和承一行僧得此說子厚詆爲膚末而夢得稱其不誣叅以朱子所云則畢氏之說未爲妄矣紹興書目有不爲子撰著法通考又有青城山人書示審較畢氏得失何如也

李氏 翺 易詮

宋志三卷

佚

舊唐書翺字習之涼武昭王之後貞元十四年登進士第太和初爲諫議大夫尋拜中書舍人九年檢校戶部尙書襄州刺史克山南東道節度使會昌中卒於鎮諡曰文王得臣曰李翺作易詮論八卦之性古今說易者未嘗及曰自古小人在上最爲難去蓋得位得權而勢不得播奪以四凶尙歷堯舜而後能去嘗玩易之夫夫一陰在上五陽并進以剛決柔宐若易然乃爻詞俱險而肆蓋一小人在上故易曰剛長乃終也又曰道生一一生二二生三

三生萬物故自道而下數至於三則天地人之道備矣聖人畫卦始止於三謂三才之道因而重之乃可以觀變予觀重卦之內至於三位則有小成變革之理如乾之九四則曰乾道乃革革之九三曰革言三就是也推此而求其變則可以思過半矣

董真卿曰李氏易七卷先說八卦次列六十四卦并雜卦

蔡氏廣成周易啓源

宋志十卷

未見一齋書目有

周易外義

宋志三卷

佚

晁公武曰蔡廣成撰李邯鄲云唐人田偉置於王昭素之下今從李說有德恒德言德膚德翰四目皆作問對凡三十六篇

胡一桂曰廣成唐太子左諭德其書皆問答語

按二書紹興書目俱有之外義止一卷

韋氏顓易蘊解

佚

舊唐書顓字周仁精陰陽象緯經略風俗之書以門蔭補千牛備身歷吏部侍郎著易蘊解推演潛亢終始之義甚有奧旨

錢希白曰顓見素孫

徐氏鄭周易新義

經義考 卷十五 三卷

佚

唐會要太和元年六月直講徐鄖上周易新義三卷

裴氏通易書

新唐志一百五十卷

佚

新唐書注通士淹子文宗訪以易義令進所撰書

宰相世系表通字又玄檢校禮部尚書

王應麟曰通自祭酒改詹事因中謝上知通有易學因訪

以精義仍命進所習經本著易元解三卷并總論二十卷

易禦寇十一卷易洗心二十卷

陸氏希聲周易傳

新唐志二卷

朱志十三卷中興書目六卷周易會通作十卷

佚

希聲自序曰予乾符初任右拾遺歲莫端居夢在大河之陽曠野數百里有三人偃卧東首長各數十丈有告者曰上伏羲中文王下孔子也三聖皆無言意中甚愕寤而震悸伏而思之河與天通圖之自出三聖衡列乾之象也天道無言示人以象天將以易道畀予乎由是考覈少小以來所集諸家注說貫以自得之理著易傳十篇傳上經為第一下經為第二所以列象象之微辭測卦爻之奧義第二篇演文言之純粹一作精以顯聖人之蹟第四篇伸繫辭之微意以彰易道之神第五篇原作易之始述列卦之序第六篇釋說卦之義辨反對之相資第六篇窮畫卦象之

由生著奇耦之極第八篇明權輿律呂之末制作禮樂之
原第九通天下之理第十成天下之務別撰作易圖一卷
指說一卷釋變一卷微旨一卷又以易經文字古今謬誤
又撰證一卷

崇文總目唐右拾遺陸希聲撰希聲作易傳十篇易圖指
說釋變微旨四篇初隴西李阮學其說以爲上下經傳二
篇思屬甚妙故希聲自爲之解餘篇差顯不復爲註蓋近
世之名家歟今二篇外餘篇逸

中興書目希聲著易傳十篇傳上經爲第一篇下經爲第
二篇又有演文言伸繫辭等八篇又易圖一卷指說一卷
釋變微旨各一卷通爲十卷又文證一卷非十編之目今
唯存上下經傳分爲六卷微旨分爲三卷

晁說之曰虞翻夢吞三爻而通易陸希聲夢三聖人而捨
象象作傳意夫二子者可語伏羲之易也翻乃蔽於互體
旁通希聲不出王輔嗣之藩籬惜哉

朱震曰陸氏易傳削去爻象自謂彌縫其闕諧音以發其
辭體正如子雲作太玄俾學者爲進易之梯階至於言義
則自有中否

晁公武曰希聲大順中棄官居陽羨自號君陽遁叟著傳
十卷別撰易圖一指說一釋變一微旨通十卷

葛立方曰希聲隱居宜興君陽山今金沙寺其故宅也嘗
著易傳十卷自序謂夢在大河之陽有三人偃卧東首上
伏羲中文王下孔子以易道畀予遂悟八卦小成之位質
之象數有符契且云今年四十有七已及聖人之年於是

經義考 卷十五
作易傳以授門人崔澈王贊之徒復自爲注今觀其書無可取者而怪誕如此後避難死於道路蓋不能終君陽之居也

陳振孫曰按唐志有易傳二卷中興書目作六卷別出微旨三卷今所謂解說者上下經共一冊不分卷有序言著易傳十篇七篇以上解易義之精微八篇以下廣易道之旁行第爲六卷又撰易圖指說釋變微旨各一卷通爲十卷其上下經蓋第一第二篇經文一句傳亦一句門人以爲難曉故復爲之解然則其全書十卷不盡傳矣家舊惟有微旨續得解說一編始知其詳

馮椅曰希聲本蘇州吳縣人

周易微旨

通志三卷

佚

晁公武曰微旨皆設問答

按紹興書目有之

高氏

定

周易外傳

唐志二十二卷

佚

舊唐書高定郢子仕至京兆府參軍

王謙曰高貞公之子定通王氏易爲圖合八出以畫八卦上圓下方合則爲重轉則爲演七轉爲六十四卦六甲八節脩焉又著外傳二十二篇定小字董董時人多以小字稱

盧氏 行 超 易 義

唐志五卷

佚

新唐書注字孟起大中年六合丞

邢氏 壽 周易正義補闕

宋志七卷 崇文目同

佚

周易略例疏 紹興書目 作正義

宋志三卷 紹興書目 二卷

存 止一卷

壽自序曰王輔嗣略例大則總一部之指歸小則明六爻之得失承乘逆順之理應變情偽之端用有行藏辭有險

易觀之者可以經緯天地探測鬼神匡濟邦家推辟咎悔雖人非上聖亦近代一賢臣謹依其文輒為注解雖不足敷弘易道庶幾有裨於教義亦猶螢燐增輝於太陽涓流助深於巨壑臣之志也

陳振孫曰唐四門助教邢壽撰按蜀本略例有壽所注止有篇首釋略例二字文與此同餘皆不然此本亦淺近無義理姑存之

張氏 轅 周易啓玄

宋志一卷

佚

程迥曰唐人張轅作周易啓玄曰老陽變成少陰老陰變成少陽

趙汝楨曰張氏筮法初揲掛一次兩揲不掛左手不揲右手但以右手之著足滿左手之餘初揲餘一餘二足滿五餘二餘四足滿九次兩揲餘一餘二足滿四餘三餘四足滿八爲九爲六者各八爲七爲八者各二十四按次兩揲不掛則不合四營不掛右手則不合再扚且初變左餘一右必餘三左餘二右必餘二與掛而爲五者乃左右揲四之所餘蓋理之自然勢有不容易者今既不揲右但視左所餘而益之則多寡宜可任情何必滿五滿九耶

按紹興書目有之

任天奉古周易發題

通志一卷

佚

楊繪曰莊遵以易傳楊雄雄傳侯芭至沛周邠邠傳樂安任奉古

按紹興書目有之

蘇氏鶚周易開玄闕

通考一卷

佚

晁公武曰唐蘇鶚撰鶚自序云五代祖晉官至吏部侍郎學兼天人嘗製八卦論爲世所傳遭亂遺墜而簡編尙有存者鶚乃畧演其旨於此

陳振孫曰武功蘇鶚德祥唐光啓進士

梁氏運周易雜占筮訣文

唐志二卷

佚

史氏證周易口訣義宋志作史文徽

宋志六卷

佚

崇文總目河南史證撰不詳何代人其書直鈔孔氏疏以便講習故曰口訣

晁公武曰史證抄注疏以便講習田氏乃以為魏鄭公撰誤也

陳振孫曰三朝史志有其書非唐則五代人也避諱作證字

李氏含光周易義略

三篇

未見

劉大彬曰唐正議大夫玄靜先生姓李名含光江都人本姓弘避則天諱易焉神龍初為道士居龍興觀尋居嵩陽二十年玄宗召詣闕詔居陽臺觀歲餘稱疾乞還勾曲勅居紫陽觀賜號著周易義略三篇

王氏遠知易總

十五卷

佚

龍城錄上元中台州道士王遠知善易於觀感間曲盡微妙善知人死生禍福作易總十五卷

成氏玄英周易窮寂圖

宋志五卷

佚

晁公武曰唐成玄英撰錯綜六十四卦演九宮以直年月日推國家之吉凶玄英道士也故道藏錄之或云釋仁英撰未知孰是

易流演

宋志五卷

佚

按紹興書目有之

釋一行易傳

十二卷

佚今惟大演周易本義一卷存

舊唐書僧一行姓張氏先名遂魏州昌樂人襄州都督鄴

國公公謹之孫也精曆象陰陽五行之學時道士尹崇博學先達一行出所撰大衍玄圖及義決一卷示崇崇大驚因與一行談其奧蹟甚嗟伏之謂人曰此後生顏子也尋出家為僧隱於嵩山睿宗即位以禮徵固辭以疾開元五年玄宗令其族叔禮部郎中洽賈勅書強起之一行尤明著述撰大衍論三卷卒賜諡大慧禪師中興書目一行易傳十二卷元闕四卷

朱震曰孟喜京房之學其書槩見於一行所集大約皆自子夏傳而出

按紹興闕書目有唐易論一卷疑即一行書

杜氏失名新易林占

唐志三卷

佚

任氏 正一 周易甘棠正義

宋志三十卷

佚

崇文總目任正一撰以孔穎達為本甘棠者正一為陝州司馬故名其書

蒲氏

乾貫

易軌

劉恕十國紀年
乾貫作虔觀

一卷

佚

晁公武曰偽蜀蒲乾貫撰專言流演其序云可以知否泰之源察延促之數蓋數學也

陸游曰易學自漢以後寔微自晉以後與老子並行其說

愈高愈非易之舊宋興有酸棗先生以易名家同時种豹林亦開門傳堦傳至邵康節遂大行於時然康節欲以授伊川程先生乃拒勿受而伊川每稱胡安定王荆公易傳以為今學者所宜讀惟此二家王公乃自毀其說以為不足傳著論悔之易之難知如此夜讀蜀蒲公易傳老子解蓋各自立說迹若與晉諸人同而實異也

周易指迷

紹興書目作周易軌革指迷訣

宋志三卷

紹興書目二卷

佚

釋

希覺

周易會釋記

通志二十卷

佚

鄭樵曰僞吳僧陸希覺撰

按紹興書目有之

麻衣道者正易心法

宋志一卷

存

程準序曰姑谿太守李公出麻衣說關子明傳曰吾得二書不敢私諸已今用廣於人準竊幸管闕信神物也公得其傳行其道又以傳於世蓋將救易學之病而還易之本旨豈誦說云乎哉 正易者正謂卦畫若今經書正文也每章四句者心法也訓於其下消息也

李潛曰麻衣道者羲皇氏正易心法頃得之廬山一異人或云許堅

戴師愈曰五代李守正陷河中周太祖親征麻衣語趙韓王曰李侍中安得久其城中有三天子氣未幾城陷時周世宗與宋朝太祖侍行錢文僖公若水陳希夷每見以其神觀清粹謂可學僊有昇舉之分見之未精使麻衣決之麻衣云無僊骨但可作貴公卿耳夫以神僊與帝王之相豈易識哉麻衣一見決之則其識爲何如也即其識神僊識帝王眼目以論易則其出於尋常萬萬也固不容於其言矣

朱子曰麻衣心易頃歲嘗見之固已疑其辭意凡近不類一二百年前文字所謂雷自天下而發山自天上而墜之類皆無理之罔談所謂一陽生於子月而應在卯月之類乃術家之小數所謂由破體煉之乃成全體則爐火之末

技所謂人間萬事悉是假合又佛者之幻語耳其他比比非一不容悉舉要必近年術數末流道聽塗說掇拾老佛醫卜諸說之陋者以成此書而其所以託名於此人者則以近世言象數者必宗邵氏而邵氏之學出於希夷於是又求希夷之所敬得所謂麻衣者而託之以爲若是則凡出於邵氏之流者莫敢議已而不自知其說之陋不足以自附於陳邵之間也夫麻衣方外之士其學固不純於聖賢之意然其爲希夷所敬如此則其爲說亦必有奇絕過人者豈其若是之庸瑣哉後二年假守南康始知有前湘陰主簿戴師愈者來謁老且僂使其婿自掖而前坐語未久即及麻衣易說其言暗澀殊無倫次問其師傳所自則曰得之隱者問隱者誰氏則曰彼不欲世人知其姓名不敢言也既復問之邦人則皆曰書獨出戴氏莫有知其所自來者予省前語雖益疑之然亦不記前已見其姓名也後至其家因復扣之則曰學易而不知此則不明卦畫之妙而其用差矣予問所差謂何則曰坎兌皆水而卦畫不同苟煮藥者不察而誤用之則失其性矣予了其妄因不復詢而見其几間有所雜著書一編取而讀之則其詞語氣象宛然麻衣易也其間雜論細事亦多有不得其說而公爲附託以欺人者予以是始疑前時所料三五十年以來人者即是此老既歸亟取觀之則最後跋語固其所爲而一書四人之文體製規模乃出一手然後始益深信所疑之不妄又曰麻衣道者本無言語祇因小說有陳希夷問錢若水骨法一事遂爲南康軍戴師愈者僞造正易

心法之書以託之也

陳振孫曰舊傳麻衣道者授希夷先生崇寧間廬山隱者李潛得之凡四十二章蓋依託也朱侍講云南康戴王簿師愈撰

王炎曰洛水李壽翁侍郎喜論易炎嘗問曰侍郎在當塗板行麻衣新說如何李曰程沙隨見屬炎曰恐托名麻衣耳以撲錢背面喻八卦陰陽純駁此鄙說也以泉雲雨爲陽水以澤爲陰水與夫子不合李曰然然亦有兩語佳炎曰豈非學者當於羲皇心地上馳騁不當於周孔腳跡下盤旋耶然此二語亦非也無周孔之辭則羲皇心地學者何從探之李無語李名椿

胡一桂曰正易心法四十二章章四句句四言題希夷先生受并消息李壽翁刊於當塗乾道間南康戴師愈孔文始爲之跋以行未可據也

張萱曰道者五代末人宋嘉定間胡巖起前序李潛後序謂得之廬山野人

亡名氏周易服藥法

唐志一卷

佚

周易雜圖序

唐志一卷

佚

周易內卦神筮法

唐志二卷

佚

經義考卷十五終

弟子盱眙李符瑞覆校

書志一

一各及限必致來

書志一

一各及限必致來

書志一

書志一

經義考卷十五終

弟子肝盼李符瑞覆校

